

禮釋宮增記注宮





宮 釋 禮 儀

撰 主 如 李

中華民國二十六年十二月初版

徐

發行人 王長沙南正路五

印刷所 商務印書館
長沙南正路

發行所 商務各埠
印書館

(本書校對者周鑑侯
方朱廣福
宗武)

本館叢書集成初編所選聚珍
版叢書墨海金壺守山閣叢書
及經苑皆收有此書聚珍本錄
自永樂大典故據以排印

儀禮釋宮提要

臣等謹案儀禮釋宮一卷宋李如圭撰如圭既爲儀禮集釋以發明經義羽翼鄭康成注又爲是書以攷論古人宮室之制體例仿爾雅釋宮逐條之下引經記注疏詳加討論如大夫士東房西室之說雖仍舊注而據聘禮賓館于大夫士證其亦有右房櫟鄉飲酒及少牢饋食證大夫士亦有左房東房之稱與天子諸侯言左對右言東對西者同其攷證明哲深得經意發先儒之所未發大抵類此非以空言說禮者比也攷朱子大全集亦載其文與此大略相同惟無序引宋中興藝文志稱朱子嘗與之校定禮書疑朱子固嘗錄如圭是篇而集朱子之文者遂疑爲朱子所撰取以入集猶蘇軾書劉禹錫語題姜秀才課冊遂誤編入軾集耳觀朱子儀禮經傳通解于鄉飲酒禮薦出自左房聘禮負右房皆但存賈疏與是篇所言不同是亦不出諸子之一證也古者宮室各有定制歷代屢變漸非其舊如序檻楣阿箱夾牖戶當榮當碑之屬讀儀禮者倘不能備知其處則于陳設之地進退之位俱不能知甚或以後世之規模臆測先王之度數殊失其真是篇之作誠治儀禮者之圭臬也宋陳汝嘗序集釋刻之桂林郡學舍兼刻是篇今刻本不傳惟永樂大典內全錄其文別爲一卷

題云李如圭儀禮釋宮蓋其所據猶爲宋本其間字句與朱子集中所載多增省不同處似彼爲初
此爲定本今悉從永樂大典錄存以復如圭之舊焉乾隆四十二年三月恭校上

總纂官侍讀學士臣陸錫熊

侍講學士臣紀 昀

纂修官庶吉士臣戴 震

儀禮釋宮

宋李如圭撰

周之禮文盛矣。今僅見于儀禮。然去古既遠。禮經殘闕。讀禮者苟不先明乎宮室之制。則無以攷其登降之節。進退之序。雖欲追想其盛。而以其身揖讓周旋乎其間。且不可得。況欲求之義乎。于是本之于經。稽之于注。釋取宮室名制之可攷者。彙而次之。曰釋宮。

宮室之名制。不盡見于經。其可攷者。宮必南鄉。廟在寢東。寢廟皆有堂有門。其外有大門。

案朱子大全集廟在寢東下無寢廟二字

周禮建國之神位。右社稷。左宗廟。宮南鄉。而廟居左。則廟在寢東也。寢廟之大門一曰外門。其北蓋直寢。故士喪禮注。以寢門爲內門。中門凡既入外門。其向廟也。皆曲而東行。又曲而北。按士冠禮賓立于外門之外。主人迎賓入。每曲揖。至于廟門。案儀禮廟告作席下同注曰。入外門將東曲揖。直廟將北曲又揖。是也。

○又按聘禮公迎賓于大門內。每門每曲揖及廟門。賈氏曰。諸侯五廟。太祖之廟居中。二昭居東。二穆居西。每廟之前。兩旁有隔牆。牆皆有閭門。諸侯受聘于太祖廟。太祖廟以西隔牆有三。入大門東行至太祖廟。凡經三閭門。故曰每門也。大夫三廟。其牆與門亦然。故賓問卿大夫迎賓入。亦每門每曲揖。乃

及廟門其說當攷○大夫士之門惟外門內門而已諸侯則三天子則五庠序則惟有一門鄉飲酒射禮主人迎賓于門外入門卽三揖至階是也

堂之屋南北五架中脊之架曰棟次棟之架曰楣

鄉射禮記曰序則物當棟堂則物當楣注曰是制五架之屋也正中曰棟次曰楣前曰廡賈氏曰中脊爲棟棟南兩架北亦兩架案朱子大全集無棟南以下八字棟前一架爲楣楣前接簷爲廡今見于經者惟棟與楣而已

○棟一名阿按士昏禮賓升當阿致命注曰阿棟也又曰入堂深示親親賈氏曰凡賓升皆當楣此深入當棟故云入堂深也○又按聘禮諸侯受聘于廟賓升亦當楣賈氏曰凡堂皆五架則五架之屋通乎上下而其廣狹隆殺則異耳

後楣以北爲室與房

後楣之下以南爲堂以北爲室與房房東而室西相連爲之按少牢饋食禮主人室中獻祝祝拜于席上坐受注曰室中迫狹賈氏曰棟南兩架北亦兩架于棟北楣下爲室南壁而開戶以楣後兩架之間爲室故云迫狹也昏禮賓當阿致命鄭云入堂深明不入室是棟北乃有室也惟州序之制則無室按鄉射禮記曰序則物當棟堂則物當楣注曰序無室可以深也又禮席賓南面注曰不言于戶牖之間

者此射于序賈氏曰無室則無戶牖故也此序之異于餘宮也。案朱子大全集無此句

釋宮曰無室曰榭榭卽序也。

人君左右房大夫士東房西室而已。

聘禮記若君不見使大夫受聘升受負右房而立大射儀薦脯醢由左房是人君之房有左右也公食

大夫禮記筵出自東房注曰天子諸侯左右房賈氏曰言左對右言東對西大夫士惟東房西室故直

云房而已然按聘禮賓館于大夫士君使卿還玉于館也賓亦退負右房則大夫士亦有右房矣又鄉

飲酒禮記薦出自左房少牢饋食禮主婦薦自東房亦有左房東房之稱當攷

案賈氏以言左對右言東對西爲人君有左右房之證李

氏援聘禮之右房鄉射禮記之左房少牢饋食之東房疑大夫士亦有右房亦有左房東房之稱實足以訂正舊說之誤又鄉射記鑑

豆出自東房特牲饋食禮賓與長兄弟之薦自東房有司微宰夫自東房薦脯醢是大夫士言東對西者固不一

爲正客館非大夫之廟闔若璩尚書古文疏證引其說辨之曰下文公館賓賓辟康成注凡君有事于諸臣之家車造廟門乃下賈疏

云以其卿館于大夫之廟已不能揜前說之非且古者天子適諸侯必舍其祖廟卿館于大夫大夫館于士士館于工商皆廟也無別

所爲館舍惟侯氏觀天子賜以舍非廟聘禮安得與之同聘禮一篇自卿致館賓卽館後有司入陳注云八賓所館之廟揖入及廟門

注云舍于大夫廟卿館于大夫注云館者必于廟不得從公彥曲說江永鄉黨圖攷曰天子至士堂房室之制有廣狹隆殺堂後爲房

室左右房以夾室使室居中其制度當同如大夫士東房西室恐不成制度堂上設席行禮當戶牖之間賓席不得當東西之中偏于西北一隅非所以尊賓大夫賓尸尸席不當堂之中亦非所以尊尸皆因鄉飲酒義言設尊賓主共之及拘于四面之坐以辭害意故

先儒有此說耳

室中西南隅謂之奧。

邢昺曰：室戶不當中，而近東西南隅，最爲深隱，故謂之奧。而祭祀及尊者常處焉。

東南隅謂之窾。

郭氏曰：窾亦隱闇。

東北隅謂之宦。

郭氏曰：宦見禮。

案爾雅云：室東北隅謂之宦。此云宦見禮有誤。

西北隅謂之屋漏。

詩所謂：尚不愧于屋漏，是也。曾子問：謂之當室之白。

案此下朱子大全集有孫炎曰：當室日光所漏入也。十一字。

鄭謂當室之白，西北隅得戶明者，經止曰：西北隅。

室南其戶，戶東而牖西。

說文曰：戶，半門也。牖，穿壁以木爲交牕也。月令正義曰：古者窟居，開其上取明，雨因霑之，是以後人名室爲中霑。開牖者象中霑之取明也。○牖，一名鄉。其扇在內。按士虞禮祝闔牖戶，如食間啓戶，啓牖鄉注曰：牖先闔後啓，扇在內也。鄉，牖一名是也。

戶牖之間謂之依。

案爾雅作風古通用

郭氏曰：牕東戶西也。覲禮斧依亦以設之于此而得依名。○士昏禮注曰：戶西者尊處以尊者及賓客位于此故又曰客位。

戶東曰房戶之間。

士冠禮注曰：房戶間者，房西室戶東也。寢廟以室爲主，故室戶專得戶名。凡言戶者皆室戶。若房戶則兼言房以別之。○大夫士房戶之間于堂爲東西之中當兩楹間。按詩正義曰：鄉飲酒義云：尊于房戶之間，賓主共之。由無西房故以房與室戶之間爲中也。又鄉飲酒禮席賓于戶牖間而義曰坐賓于西北則大夫士之戶牖間在西而房戶間爲正中明矣。人君之制經無明證。按釋宮曰：兩階間謂之鄉。郭氏曰：人君南鄉當階間則人君之室正中其西爲右房而戶牖間設依處正中矣。月令正義曰：崔氏云。

案朱子大全集無月令以下二十九字。

又按詩斯干曰：築室百堵西

南其戶箋曰：天子之寢左右房異于一房者之室戶也。正義曰：大夫惟有一東房故室戶偏東與房相近天子諸侯既有右房則室當在其中其戶正中比一房者之室戶爲西當攷。案江永鄉黨圖考曰：大夫士之制亦當有左右房鄉飲于

摩亦如其制。設尊于房戶之間。而賓席在尊西。主人在阼階上。爲近東。即是賓主共之。不必謂在東西之中。然後爲共也。主人在阼。介在西階上。爲東西偶。在尊東。爲東北賓。在戶牖間。以阼階上視之。即爲西北。不必謂在西北隅。然後爲西北也。其實賓席宜在中南鄉。衆賓席以次繼而西。偶者鄉之卿大夫來觀禮。有無不定。本無四面之坐。象四時之說。倘無觀禮之偶。豈四方缺一方。四時缺一時乎。作義者以臆說禮。泥其文。遂有大夫士東房西室之說。斯干詩西南其戶。謂或西其戶。或南其戶。猶南東其畝。或南其畝。或東其畝也。蓋此詩言作燕寢。其制度不必與正寢同。大夫士雖有東西房。而陳器服及婦人行禮。常在東房。經有直言房者。省文耳。非謂止有一房。不必言東也。

房戶之西曰房外。

士昏禮記母南面于房外。女出于母左。士冠禮尊于房戶之間。若庶子。則冠于房外。南面。注曰。謂尊東。也是房戶之西。得房外之名也。○房戶之東。其南當阼階。見賈氏釋士冠禮。案此條朱子大全集作房之戶。于房南壁。亦當近東。士昏禮注。曰。北堂。在房中半以北。南北直室。東隅東西直房戶。與隅間隅間者。蓋房東西之中兩隅間也。房中之東。其南爲夾洗。直房戶而在房東西之中。則房戶在房南壁之東偏可見矣。凡八十四字。其語蒙溷不可通。概言房南壁之東偏。幾疑在序外直夾矣。若云房戶在序內之壁。近東偏。則可耳。

房中半以北曰北堂。有北階。

士昏禮記。婦洗在北堂。直室東隅。注曰。北堂。房中半以北。賈氏曰。房與室相連爲之房。無北壁。故得北堂之名。按特牲饋食禮記。尊兩壺于房中。西牖下。南上內賓。立于其北。東面南上宗婦。北堂北上宗婦。

在內賓之北

案朱子大全集訛作
內賓在宗婦之北

乃云北堂又婦洗在北堂而直室東隅是房中半以北爲北堂也○

婦洗在北堂而士虞禮主婦洗足爵于房中則北堂亦通名房中矣○大射儀工人士與梓人升下自北階注曰位在北堂下則北階者北堂之階也

堂之上東西有楹

楹柱也古之築室者以垣墉爲基而屋其上惟堂上有兩楹而已楹之設蓋于前楣之下按鄉射禮曰射自楹間注曰謂射于庠也又曰序則物當棟堂則物當楣物者畫地爲物射時所立處也堂謂庠之堂也又曰豫則鉤楹內堂則由楹外當物北面揖豫卽序也鉤楹繞楹也物當棟而升射者必鉤楹內乃北面就物則棟在楹之內矣物當楣而升射者由楹外北面就物又鄭氏以爲物在楹間則楹在楣之下也○又按釋宮曰梁上楹謂之棁棁侏儒柱也梁楣也案爾雅案牕謂之梁其上楹謂之棁又曰楣謂之梁牕乃左右縱者楣乃前後橫者雖同有楣之名而縱橫異侏儒柱在牕牕上以承棟不得在楣此引爾雅釋宮失其實

侏儒柱在梁之上則楹在楣之下又可知矣

堂東西之中曰兩楹間

公食大夫禮致豆實陳于楹外簠簋陳于楹內兩楹間言楹內外矣又言兩楹間知凡言兩楹間者不必與楹相當謂堂東西之中耳

南北之中曰中堂。

聘禮受玉于中堂。與東楹之間。注曰。中堂。南北之中也。入堂深尊賓事也。賈氏曰。後楣以南爲堂。堂凡四架。前楣與棟之間爲堂。南北之中。公當楣拜訖。更前北侵半架。受玉故曰。入堂深也。按東楹之間。侵近東楹。非堂東西之中。而曰中堂。則中堂爲南北之中明矣。○又按士喪禮注曰。中以南謂之堂。賈氏曰。堂上行事。非專一所。若近戶。卽言戶。東戶西近房。卽言房外之東。房外之西。近楹。卽言東楹西楹。近序。卽言東序西序。近階。卽言東階西階。其堂半以南無所繼屬者。卽以堂言之。祝淅米于堂。是也。

堂之東西牆謂之序。

郭氏曰。所以序別內外。

序之外爲夾室。

公食大夫禮。大夫立于東夾南。注曰。東于堂。賈氏曰。序以西爲正堂。序東有夾室。今立于堂下。當東夾。是東于堂也。○又按公食禮。宰東夾北。西面。賈氏曰。位在北堂之南。與夾室相當。特牲饋食禮。豆籩鉶。在東房。注曰。東房房中之東。當夾北。則東夾之北通爲房中矣。室中之西。與右房之制無明文。東夾之北。爲房中。則西夾之北。蓋通爲室中。其有兩房者。則西夾之北通爲右房也歟。

夾室之前曰廂。
案儀禮作
箱古通用亦曰東堂、西堂。

覲禮記注曰。東廂。東夾。之前。相朔待事之處。特牲饋食禮注曰。東堂。西堂。東西夾。之前。近南耳。賈氏曰。西堂。卽西廂也。釋宮曰。室有東西廂曰廟。郭氏曰。夾室前堂是東廂。亦曰東堂。西廂亦曰西堂也。○釋宮又曰。無東西廂。有室曰寢。按書顧命路寢有西夾。士喪禮死于適寢。主人降襲絰于序東。注曰。序東。東夾前。則正寢亦有夾與廂矣。釋宮所謂無東西廂者。或者謂廟之寢也。與○凡無夾室者。則序以外。通謂之東堂。西堂。按鄉射禮。射于庠序。而主人之弓矢在東序。東大射儀。射于射宮。而君之弓矢在東堂。大射之東堂。卽鄉射之東序。東以其無夾與廂。故東序東直謂之東堂也。○此東西堂。堂各有階。按雜記。夫人奔喪。升自側階。注曰。側階。旁階。奔喪曰婦人奔喪。升自東階。注曰。東階。東面階也。賈氏釋燕禮曰。東面階。西面階。婦人之升東西階者。蓋東堂之階。其西堂。則有西面階也。

東堂下。西堂下。曰堂東。堂西。

大射儀賓之弓矢止于西堂下。其將射也。賓降取弓矢于堂西。堂西。卽西堂下也。特牲饋食禮主婦視館爨于西堂下。記曰。館爨在西壁。則自西壁以東。皆謂之西堂下矣。○又按大射儀執幕者升自西階。注曰。羞膳者從而東。由堂東升自北階立于房中。則東堂下可以達北堂也。

堂角。有坫。

士冠禮注曰。坫。在堂角。賈氏釋士喪禮曰。堂隅。有坫。以土爲之。

案江永鄉黨圖攷曰。堂之四隅。卽爲坫。非別有土爲之也。反坫以反爵。崇坫以康主。乃是燒土爲之。

或謂堂隅爲坫也。

堂之側邊曰堂廉。

按鄉飲酒禮設席于堂廉注曰側邊曰廉喪大記正義曰堂廉堂基南畔廉棟之上也。又按鄉射禮衆弓倚於堂西矢在其上注曰上堂西廉則堂之四周皆有廉也。

升堂兩階其東階曰阼階。

士冠禮注曰阼猶酢也。東階所以答酢賓客也。○每階有東西兩廉聘禮饗鼎設于西階前當內廉此則西階之東廉以其近堂之中故曰內廉也。○士之階三等按士冠禮降三等受爵弁注曰下至地賈氏曰匠人云天子之堂九尺賈馬以爲階九等諸侯堂宜七尺階七等大夫宜五尺階五等士宜三尺故階三等也。○兩階各在楹之外而近序按鄉射禮升階者升自西階繞楹而東燕禮媵爵者二人升自西階序進東楹之西酌散交于楹北注曰楹北西楹之北則西階在西楹之西矣士冠禮冠于東序之筵而記曰冠于阼喪禮攢置于西序而檀弓曰周人殯于西階之上故知階近序也。

堂下至門謂之庭三分庭一在北設碑。

聘禮注曰宮必有碑所以識日景知陰陽也賈氏釋士昏禮曰碑在堂下三分庭一在北按聘禮歸饗餼醯醢夾碑米設于中庭注曰庭實固當中庭言中庭者南北之中也列當醯醢南列米在醯醢南而

當庭南北之中則三分庭一在北設碑可見矣○聘禮注又曰設碑近如堂深堂深謂從堂廉北至房室之壁也三分庭一在北設碑而碑如堂深則庭蓋三堂之深也○又按鄉射之侯去堂三十丈大射之侯去堂五十四丈則庭之深可見而君大夫宮室隆殺之度亦從可推矣

堂塗謂之陳

郭氏曰堂下至門徑也其北屬階其南接門內雷按凡入門之後皆三揖至階晉禮注曰三揖者至內雷將曲揖既曲北面揖當碑揖賈氏曰至內雷將曲者至門內雷主人將東賓將西賓主相背時也既曲北面者賓主各至堂塗北行向堂時也至內雷而東西行趨堂塗則堂塗接于雷矣既至堂塗北面至階而不復有曲則堂塗直階矣○又按聘禮饗鼎設于西階前陪鼎當內廉注曰當階內廉辟堂塗也西階之東廉爲內廉陪鼎在饗鼎之後設之當西階內廉以辟堂塗案朱子大全集無當階內廉四字及西階之東以下二十六字則堂塗在階廉之內矣案此句有訛舛既云當西階內廉以辟堂塗則堂塗正直階當云則階內廉在堂塗之內矣朱子大全集與此同誤○鄉飲酒禮注三揖又曰將進揖當陳揖當碑揖陳卽堂塗也

中間屋爲門門之中有闌

案中間屋之間朱子大全集誤刻門

士冠禮曰席于門中闌西闕外注曰闌櫺也玉藻正義曰闌門之中央所豎短木也釋宮曰櫟在地者

謂之梟。郭氏曰：卽門檻也。然則闌者，門中所豎短木，在地者也。其東曰闌東，其西曰闌西。門限謂之闕。

釋宮曰：柵，謂之闕。郭氏曰：闕，門限。邢昺曰：謂門下橫木爲內外之限也。○其門之兩旁木，則謂之柵。柵，闌之間，則謂之中門。見禮記。

闔謂之屏。

邢昺曰：闔，門扇也。其東屏曰左扉。○門之廣狹，按士昏禮曰：納徵儻皮記曰：執皮左首隨入。注曰：爲門中阨狹。賈氏曰：皮皆橫執之，門中阨狹，故隨入也。匠人云：廟門容大局七个，大局牛鼎之局，長三尺七寸，二丈一尺。彼天子廟門此士之廟門，降殺甚小，故云阨狹也。推此則自士以上宮室之制雖同，而其廣狹則異矣。

夾門之堂謂之塾。

釋宮曰：門側之堂謂之塾。郭氏曰：夾門堂也。門之內外，其東西皆有塾。一門而塾四，其外塾南鄉。按士虞禮陳鼎在門外之右，匕俎在西塾之西。注曰：塾有西者，是室南鄉。又按士冠禮擯者，負東塾。注曰：東塾門內東堂，負之北面，則內塾北鄉也。○又按月令祀竈注曰：席于門之奥。正義曰：神位在西，席于門外，西室之奥也。門外之室有奥，則門室之制蓋亦如堂之室矣。

案朱子大全集
無此四十七字。

○凡門之內兩塾之間。

謂之寧。按聘禮賓問卿大夫迎于外門外及廟門。大夫揖入。壇者請命賓入。三揖竝行。注曰。大夫揖入者。省內事也。既而俟于寧也。凡至門內。靤爲三揖之始。上言揖入下言三揖竝行。則俟于靤。南門內兩塾間可知矣。李巡曰。寧正門內兩塾間義與鄭同。謂之寧者。以人君門外有正朝視朝。則于此寧立。故耳。○周人門與堂脩廣之數不著于經。按匠人云。夏后氏世室。堂脩二七。廣四脩。一堂脩。謂堂南北之深。其廣則益以四分脩之一也。門堂三之二。室三之一者。門堂通謂門與塾。其廣與脩取數于堂。得其三之二。室三之一者。兩室與門各居一分也。此夏后氏之制。周人門堂之制。蓋亦如此云。

門之內外。東方曰門。東西方曰門西。

特牲饋食禮注曰。凡鄉內以入爲左右。鄉外以出爲左右。士冠禮注又曰。出以東爲左。入以東爲右。以入爲左右。則門西爲左。門東爲右。鄉飲酒禮。賓入門左。燕禮。卿大夫皆入門右。是也。以出爲左右。則門東爲左。門西爲右。士冠禮。主人迎賓出門左。西面。士虞禮。側享于廟門外之右是也。闌東曰闌右。亦自入者言之也。○天子諸侯門外之制。其見于經者。天子有屏。諸侯有朝。按覲禮。侯氏入門右。告聽事出自屏南。適門西。注曰。天子外屏。釋宮曰。屏謂之樹。郭氏曰。小牆。富門中曲禮正義曰。天子外屏。屏在路門之外。諸侯內屏。屏在路門之內。此侯氏出門而隱于屏。則天子外屏明矣。釋宮又曰。門屏之間。謂之寧。謂寧在門之內。屏之外。此屏據諸侯內屏而言也。案原本脫之間至此屏凡十六字。據朱子大全集補。諸侯路寢門外。則有正朝大

門外則有外朝。按聘禮夕幣于寢門外。宰入告具于君。君朝服出門左南鄉。注曰：寢門外朝也。入告入路門而告。賈氏曰：此路門外正朝之處也。是正朝在寢門外也。聘禮又曰：賓死介復命。柩止于門外。若介死惟上介造于朝。注曰：門外大門外也。必以柩造朝達其忠心。又賓拜饗餼于朝。注曰：拜于大門外。賈氏曰：大門外諸侯之外朝也。賓拜于朝無入門之文。則諸侯外朝在大門外明矣。是外朝在大門外也。諸侯三朝。其燕朝在寢。燕禮是也。正朝與外朝之制度不見于經。蓋不可得而攷矣。

寢之後有下室。

士喪禮記。士處適寢。又曰：朔月若薦新。則不饋于下室。注曰：如今之內堂。正寢聽朝事。賈氏曰：下室燕寢也。然則士之下室于天子諸侯則爲小寢也。春秋傳曰：子太叔之廟在道南。其寢在廟北。其寢廟之寢也。廟寢在廟之北。則下室在適寢之後可知矣。○又按喪服傳曰：有東宮。有西宮。有南宮。有北宮。異宮而同財。內則曰：由命士以上父子皆異宮。賈氏釋士昏禮曰：異宮者別有寢。若不命之士父子雖大院同居。其中亦隔別各有門戶。則宮之中又有異宮也。

自門以北皆周以牆。

聘禮釋幣于行注曰：喪禮有毀宗踰行出于大門。則行神之位在廟門外西方。檀弓正義曰：毀宗踰行。毀西邊牆以出柩也。士喪禮爲塋于西牆下。注曰：西牆中庭之西。特牲饋食禮主婦視館爨于西堂下。

記曰：餽饗在西壁。注曰：堂之西牆下，按門之西有牆，則牆屬於門矣。西牆，在中庭之西，則牆周乎庭矣。西壁，在西堂下，則牆周乎堂矣。○牆者，墉壁之總名。室中謂之墉。昏禮尊于室中，北墉下是也。房與夾，亦謂之墉。冠禮陳服于房中，西墉下聘禮西夾六豆設于西墉下，是也。堂上謂之序。室房與夾，謂之墉。堂下，謂之壁，謂之牆，其實一也。隨所在而異其名耳。○堂下之壁，闔門在焉。按士冠禮冠者降，適東壁見于母。注曰：適東壁者，出闔門也。時母在闔門之外，婦人入廟由闔門。士虞禮賓出，主人送主婦亦拜。賓注曰：女賓也不言出，不言送，拜之于闔門之內。闔門如今之東西掖門。釋宮曰：宮中之門，謂之闔郭。氏曰：謂相通小門也。是正門之外，又有闔門而在旁壁也。

人君之堂屋爲四注。大夫士則南北兩下而已。

士冠禮設洗，直于東榮。注曰：榮，屋翼也。周制自卿大夫以下，其室爲夏屋。燕禮設洗，當東霤。注曰：人君爲殿屋也。按攷工記，殷人四阿重屋。注曰：四阿若今之四注屋。殷人始爲四注屋，則夏后氏之屋南北兩下而已。周制天子諸侯得爲殿屋，四注。卿大夫以下，但爲夏屋兩下。四注則南北東西皆有霤，兩下。則惟南北有霤，東西有榮。是以燕禮言東霤，而大夫士禮則言東榮也。霤者，說文曰：屋水流也。徐鍇曰：屋檐滴處，榮者，說文曰：屋梠之兩頭起者，爲榮。又曰：相齊謂之檐。楚謂之梠。郭璞注上林賦曰：南榮屋南檐也。義與說文同。然則檐之東西兩頭起者，曰榮。謂之榮者，爲屋之榮飾。謂之屋翼者，言檐角之軒。

張如翬斯飛也。士喪禮升自前東榮，喪大記降自西北榮。是屋有四榮也。○門之屋雖人君亦兩下爲之燕禮之門內露則門屋之北露也。○凡屋之檐亦謂之宇。按士喪禮爲銘，置于宇西階上。注曰：宇，梠也。說文曰：宇，屋邊也。釋宮曰：檐，謂之檼。郭氏曰：屋梠。邢昺曰：屋檐，一名檼，一名梠。又名字皆屋之四垂也。宇西階上者，西階之上上當宇也。階之上當宇則堂廉與坫亦當宇矣。特牲饋食主婦視館爨于西堂下。注曰：南齊子坫。其記又注曰：南北直屋梠是也。階上當宇故階當露。鄉射禮記：磬階間縮露。是也。縮從也。露以東西爲從故曰縮露。此露謂堂之南露也。


此其著于經而可攷者也。

禮經雖亡缺然于覲見天子之禮于燕射聘食見諸侯之禮餘篇見大夫士之禮宮室之名制不見其有異。特其廣狹隆殺不可攷耳。按書顧命成王崩于路寢其陳位也有設斧依牖間南鄉則戶牖間也。西序東嚮東序西嚮則東西序也。西夾南嚮則夾室也。東房西房則左右房也。賓階面阼階面則兩階前也。左塾之前右塾之前則門內之塾也。畢門之內則路寢門也。兩階凡則堂廉也。東堂西堂則東西廂也。東垂西垂則東西堂之宇階上也。側階則北階也。又曰：諸侯出廟門俟則與士喪禮殯宮曰廟合也。然則鄭氏謂天子廟及路寢如明堂制者蓋未必然。明堂位與攷工記所記明堂之制度者非出于舊典亦未敢必信也。○又按書多士傳曰：天子之堂廣九雉三分其廣以二爲內五分內以一爲高。東

房、西房、北堂各三雉。公、侯、七雉。三分廣以二爲內。五分內以一爲高。東房、西房、北堂各二雉。伯、子、男、五雉。三分廣以二爲內。五分內以一爲高。東房、西房、北堂各一雉。士、三雉。三分廣以二爲內。五分內以一爲高。有室、無房堂。注曰：廣、榮間相去也。雉長三丈。內堂東西序之內也。高、穹高也。此傳說房堂及室與經亦不合。然必有所自。姑存之。以備參攷。



註增宮釋禮儀



撰 永 江

儀禮釋宮增註

本館據指海本排
印初編各叢書僅
有此本

四庫全書提要

儀禮釋宮增註一卷。國朝江永撰。永有周禮疑義舉要已著錄。是書取朱子儀禮釋宮一篇。

案釋宮本李如圭之書誤編於

朱子集中。永作此書之時。永樂大典尙未闢於世。故不知非朱子之筆。今仍其原書所稱。而附著其誤於此。爲之詳註。多所發明補正。其稍有出入者。僅一二條。而考證精密者。居十之九。如鄭註謂大夫士無左右房。朱子疑大夫士亦有西房而未決。考詩正義曰。鄉飲酒義。尊於房戶之間。賓主共之。由無西房。故以房與室戶之間爲中。又鄉飲酒禮。席賓于戶牖間。鄉飲酒義曰。坐賓于西北。則大夫士之戶牖間在西。而房戶間爲正中。明矣。此大夫士無西房之顯證。永乃謂賓坐戶牖間。主人自阼階上。望之若在西北。故云坐賓於西北。其實在北而正中。不知鄉飲酒義。又云。坐介于西南。坐僎于東北。若以永說推之。則鄉飲酒禮。所謂主席阼階上。西面介席。西階上東面。其東西正相向者。自主人望介乃在西。而在西南也。鄉飲酒禮。所謂僎席在賓東者。自主人望僎乃在北。而在東北也。其說殊有難通。且鄉飲酒義亦云。主人坐于東南。卽知坐賓西北。自據堂之西北。非主人之西北。明矣。又詩斯干云。築室百堵。西南其戶。鄭箋謂天子之寢左右房。異于一房者之室戶也。永謂詩南東其畝。謂或南其畝。或東其畝。與此西南其戶語勢正同。此燕寢室内。或開西戶。以達於東房。考燕寢西戶之制。不見

於經玉藻曰君子之居恆當戶寢恆東首則燕寢也而註以當戶爲嚮明則燕寢之戶南嚮也卽以漢制考之漢書龔勝傳云勝爲牀室中戶西南牖下使者入戶西行南面立若爲西向之戶則入戶卽東行矣然則燕寢戶皆南嚮同於正寢西嚮之說略無所據也其他說謂東夾西夾不當稱夾室雜記大戴禮夾室二字乃指夾以室言之本各一處註疏連讀之故相沿而誤又謂門屏之間曰寧乃路門之外屏樹之內邢疏前說爲得其後說又以爲路門之內則誤又謂李巡爾雅註寧正門外兩塾間乃與詩之著義同非門屏間之宁也如此之類不可殫舉其辨訂俱有根據足證前人之誤知其非同影響剽掇之學矣

儀禮釋宮增註

清 懿源江 永慎修撰

宮室之名制不盡見於經其可攷者宮必南鄉廟在寢東皆有堂有門

周禮建國之神位右社稷左宗廟

小宗伯職文鄭注庫門內雜門外之左右又禮記祭義亦有此文注云周尚左按宗廟人道宜居左社稷神道宜居右諸侯制度亦同

宮南鄉而廟居

左則廟在寢東也

按南鄉取鄉明而治之義大夫以上固當如此士之宮廟或有追於地勢不得南鄉者亦必以前爲南後爲北左爲東右爲西

寢廟之大門一曰外門其北蓋直

寢與寢南北相當故士喪禮注以寢門爲內門中門

倚廬在中門外之左

凡既入廟門其向廟也皆曲而東行又曲

而北案士冠禮賓立於外門之外主人迎賓入每曲揖至於廟門注曰入外門將東曲揖直廟將北曲

又揖是也又案聘禮公迎賓于大門內每門每曲揖及廟門賈氏曰諸侯五廟太祖之廟居中二昭居

東二穆居西每廟之前兩旁有隔牆兩門之間有隔牆南北列之

牆皆有閣門

牆中央通門

諸侯受聘于太祖廟太祖廟以

西隔牆有三大門東行至太祖廟凡經三閭門故曰每門也大夫三廟其牆與門亦然故賓問大夫迎

賓入亦每門每曲揖乃及廟門其說當考。儀禮經傳通解注云按江都集禮宗廟之制外爲都宮內各有寢廟別有門垣此疏爲是如昭穆以次而南則不得有每門矣。太祖在北左昭右穆以次而南與此疏之說不同未知孰是按舊說晉博士孫毓之議也朱子中庸或問及禘祫議皆從之當以此疏爲是大夫士之門惟外門內門而已諸侯則三天子則五外朝之南其次庫門雉門應門路門諸侯三門庫雉路舊說惟有庫雉他國諸侯皆有應路者非是。天子五門。皋門爲郭門。在

堂之屋南北五架中脊之架曰棟次棟之架曰楣。

鄉射禮記曰序則物當棟堂則物當楣注曰是制五架之屋也正中曰棟次曰楣前曰廡音技賈氏曰中脊爲棟棟前一架爲楣楣前接簷爲廡今見於經者惟棟與楣而已棟一名阿案士昏禮賓升當阿致命注曰阿棟也又曰入堂深示親親賈氏曰凡賓升皆當楣此深入當棟故曰入當深也又案聘禮公升亦當楣賈氏曰凡堂皆五架則五架之屋通乎上下而其廣狹隆殺則異爾。

後楣以北爲室與房

後楣之下以南爲堂以北爲室與房室與房東西相連爲之案少牢饋食禮主人室中獻祝祝拜于席上坐受注曰室中迫狹賈氏曰棟南兩架北亦兩架棟北楣下爲室南壁而開戶以兩架之間爲室故

云迫狹也。昏禮賓當阿致命。鄭云入堂深明不入室。是棟北乃有室也。序之制則無室。案鄉射禮記曰。序則物當棟堂。則物當楣。注曰。序無室可以深也。又禮席賓南面。注曰。不言於戶牖之間者。此射于序。賈氏曰。無室則無戶牖故也。釋宮曰。無室曰榭。卽序也。

人君左右房。大夫士東房西室而已。

聘禮記。若君不見。使大夫受聘升受負右房而立。大射儀薦脯醢出左房。是人君之房有左右也。公食大夫禮記。筵出自東房。注曰。天子諸侯左右房。賈氏曰。言左對右。言東對西。大夫士惟東房西室。故直云房而已。然按聘禮賓館于大夫士。君使卿還玉于館也。賓亦退負右房。則大夫亦有右房矣。又鄉飲酒禮記。薦出自左房。少牢饋食禮。主婦薦自東房。亦有左房東房之稱。當攷。按堂後室居中。左右有房。上下之制宜皆同。若東房西室。則室戶牖偏西。堂上設席行禮。皆不得居中。疑古制不如此。且鄉飲酒賓皆專席。若偏于西。則西序以東爲地。無多不能容衆賓矣。左房無北墉。有北堂北階。異於右房。故凡陳器服及婦人立位。常在此。經或省文。單言房。即知是東房。非謂無西房右房也。而經與記亦有旨。左房東房。右房者。婦上下同制可知。自天子降殺至士。士亦左右房。其室雖迫狹。亦足以行禮。必不至甚迫狹也。先儒東房西室之說。由鄉飲酒義而誤辨。見後。

室中西南隅。謂之奧。

邢昺曰。室戶不當中而近東。西南隅最爲深隱。故謂之奧。而祭祀及尊者常處焉。

東南隅謂之窓。烏弔切

郭氏曰：窓亦隱闇。

既夕記云：朔月童子執帚掃室，聚諸窓。

西北隅謂之屋漏。

詩所謂尙不愧于屋漏是也。曾子問謂之當室之白。孫炎曰：當室日光所漏入也。鄭謂當室之白。西北

隅得戶明者經止曰西北隅。

按西北隅亦謂之屏。見士虞禮及特牲饋食禮注云：屏隱也。

東北隅謂之宦。

晉夷舊脫此句及注今補。又室中央爲中，宦見下注。

郭氏曰：宦見禮亦未詳。

按禮無宦未知郭說何據。

室南其戶戶東而牖西。

說文曰：戶半門也。牖穿壁以木爲交窗也。月令正義曰：古者窟居，開其上取明。雨因霑之，是以後人名室爲中霑。開牖者象中霑之取明也。牖一名鄉。其扇在內。案士虞禮祝闔牖戶如食間。啓戶啓牖鄉。注曰：鄉先闔後啓。扇在內也。鄉牖一名是也。

按詩塞向墐戶傳云：向北出牖也。又士喪記：喪東首於北墉下。喪大記作北牖下。注云：一作北墉下。鄉亦不破牖字之非，則室固有北牖亦名鄉也。

戶牖之間謂之依。

音倚。按爾雅作展。

郭氏曰：窗東戶西也。覲禮斧辰亦以設之於此而得辰名。士昏禮注曰：戶西者尊處。以尊者及賓客位于此故又曰客位。

士冠禮記。醜于客位。

戶東曰房戶之門。

士冠禮注曰：房西室戶東也。寢廟以室爲主。故室戶專得戶名。凡言戶者皆室戶。若房戶則兼言房以別之。大夫士房戶之間於堂爲東西之中。案詩正義曰：鄉飲酒義云：尊于房戶之間。賓主共之。由無西房故以房與室戶之間爲中也。又鄉飲酒禮席賓于戶牖間。而義曰坐賓于西北。則大夫士之戶牖間在西。而房戶間爲正中明矣。

按設尊于堂除燕大射外。房戶之間是設尊之常處。非必謂賓主共之也。義又謂四面之坐象四時。亦附會之說。儀席在東北。其來否不定。如無儀。豈四時缺一時乎。賓坐戶牖間。主人自阼階上望之。若在西北耳。其實在北而正中。非西北也。舊說泥此義。遂有大夫士東房西室之說。非是。

人君之制經無明證。案釋宮曰：兩階間謂之鄉。

郭氏曰：人君南

鄉當階間。則人君之室正中。其西爲右房。而戶牖間設辰處正中矣。

按大夫士亦以戶牖間爲正中。

又案詩斯干曰：築室百堵。西南其戶。箋曰：天子之寢左右房異於一房者之室戶也。正義曰：大夫士唯有一東房。故室戶偏

東與房相近。天子諸侯既有右房，則室當在其中。其戶正中，比一房之室戶爲西，當攷。今按詩東南其畝，謂或南其畝，或東其畝與此西南其戶語勢正同。西南其戶謂或西其戶，或南其戶，非謂室之一戶也。蓋此詩言作燕寢，故後言莞簟寢與占夢生子，燕寢之制不必與正寢同。室固南其戶矣，東房之隅或開一戶以達于室之寢，則是西其戶。天子作室不假對大夫士而言，西南其戶也。

孔說
非是

房戶之西曰房外。

士昏禮記母南面于房外，女出于母左。士冠禮尊于房戶之間，若庶子則冠于房外南面。注曰：謂尊東也是房戶之西，得房外之名也。房之戶於房南壁，亦當近東案。士昏禮注曰：北堂在房中半以北，南北直室東隅，東西直房戶與隅間，隅間者蓋房東西之中兩隅間也。房中之東，其南爲夾洗，直房戶而在房東西之中。按東西直房戶與隅間謂直房戶與房東南隅之間。是洗當房戶稍西，非直房戶又不在房東西之中。則房戶在房南壁之東偏可見矣。按房戶實在房南壁偏西，非偏東也。

但房外有東序，房戶近東序若偏東耳。西戶則偏東。

房中半以北曰北堂，有北階。

士昏禮記婦洗在北堂，直室東隅。注曰：北堂，房中半以北。賈氏曰：房與室相連爲之房，無北壁，故得北

堂之名案特牲饋食禮記尊兩壺於房中西墉下南上內賓立于其北東面南上宗婦北堂東面北上內賓在宗婦之北乃云北堂又婦洗在北堂而直室東隅是房中半以北爲北堂也婦洗在北堂而士虞禮注婦洗足爵于房中則北堂亦通名房中矣大射儀工人士與梓人升下自北階注曰位在北堂下則北階者北堂之階也

按北階顧命謂之側階側者特也然則西房無階有北壁

堂之上東西有楹

楹柱也古之築室者以垣墉爲基而屋其上

堂基築土爲之按朱子答羅鄂州社壇說云中原土密雖城壁亦不用磚然則古人築土爲堂不用磚石堂上作垣墉不多用木材者由土密故也

古制多在中原惟堂上有兩楹而已楹之設蓋於前楣之下案鄉射禮曰射自楹間注曰謂射於庠也又曰序

則物當棟堂則物當楣物畫地爲物射時所立處也堂謂庠之堂也又曰豫則鉤楹內堂則由楹外當物北面揖豫卽序也鉤楹繞楹也物當棟而升射者必鉤楹內乃北面就物則棟在楹之內矣物當楣

而升射者由楹外北面就物又鄭氏以爲物在楹間則楹在楣之下也

楹之納入于楣而楣架楹上也

又案釋宮曰梁上

禮謂之棁棁侏儒柱也

按釋宮云棁謂之間棁謂之棁楣謂之梁此門上之橫梁也與堂上之楣同名又云侏儒謂之梁其上

棁謂之棁此侏儒之梁當作于東西序之上前接前楣後接後楣其上各作侏儒柱以承棟棟乃得高

起若前楣之梁櫓桷架其上不用侏儒柱矣。釋宮因楣已見前故不再言堂上之楣。郭
釋宋牘爲屋大梁者非是此所引亦誤以爲前楣之梁而棁之制遂因之以誤故考正。侏儒柱在梁之上則棁在楣之下。又可知矣。

堂東西之中曰兩楹間。

公食大夫禮致豆實陳于楹外簠簋陳于楹內兩楹間言楹內外矣又言兩楹間者不必與楹相當謂堂東西之中爾。

南北之中曰中堂。

聘禮受玉於中堂與棟楹之間注曰中堂南北之中也入堂深尊賓事也賈氏曰後楣以南爲堂堂凡四架前楣與棟之間爲南北堂之中公當楣拜訖更前北侵半架受玉故曰入堂深也案東楹之間侵近東楹非堂東西之中而曰中堂則中堂爲南北之中明矣又案士喪禮注曰中以南謂之堂賈氏曰堂上行事非專一所若近戶卽言戶東戶西近房卽言房外之東房外之西近楹卽言東楹西楹近序卽言東序西序近階卽言東階西階其堂半以南無所繼屬者卽以堂言之祝淅米于堂是也。堂上東西牆謂之序。

郭氏曰所以序別内外序之南頭曰序端

序之外謂之夾室。

按夾室當作東夾西夾說見下

公食大夫禮。大夫立于東夾南。注曰。東於堂。賈氏曰。序以西爲正堂。序東有夾室。今立于堂下。當東夾是東於堂也。

按序外之室儀禮及顧命皆言東夾西夾。未有言夾室者。蓋此處所夾者堂不可謂之夾室。注疏或有言夾室者。因連夾與室是二處。室謂堂後之室。室是事神之處。靈廟不可遺。先儒讀者誤連之。則事神之室胡獨不靈。而序外夾堂之處謂之夾室。亦名不當物矣。當正其名曰東夾西夾。

又案公食禮。宰東夾北西面。賈氏

曰。位在北堂之南。與夾室相當。特牲饋食禮。豆籩鉶在東房。注曰。東房房中之東。當夾北。則東夾之北。通爲房中矣。室中之西。與右房之制無明文。東夾之北。蓋通爲室中。其有兩房者。則西夾之北。通爲右房也歟。

按東夾西夾之北。各有房壁隔之。與房東房西相當。不與房相通也。

夾又名爲達內則。

夾室之前曰箱。亦曰東堂西堂。

觀禮記注曰。東箱東夾之前。相朔待事之處。特牲饋食禮注曰。西堂西夾之前近南耳。賈氏曰。卽西箱也。釋宮曰。室有東西箱曰廟。郭氏曰。夾室前堂是東箱。亦曰東堂。西箱亦曰西堂也。釋宮又曰。無東西箱。有室曰寢。案書顧命疏。寢有東夾西夾。士喪禮死于適寢。主人降襲絰于序東。注曰。序東東夾前。則

正寢亦有夾與廟矣。釋宮所謂無東西廂者，或者謂廟之寢也歟。按左右達天子於此置閣以庋食物，則燕寢且有夾與廟矣。其無東西廂者當爲廟之寢。凡無夾室者，則序以外通謂之東堂西堂。案鄉射禮，主人之弓矢在東序東。大射儀君之弓矢適東堂。大射之東堂，卽鄉射之東序東也。此東西堂各有階。案雜記云：夫人奔喪升自側階。注曰：側階、旁階。奔喪曰：婦人奔喪升自東階。注曰：東階、東面階。東面階，則東堂之階。其西堂有西面階也。按大夫士之廟與正寢，當無旁階。蓋人君五階。

大夫士三階宜以此爲降殺也。奔喪篇言婦人奔喪升自東階。謂人君之婦人耳。如大夫士之婦人奔喪當升自北階。

東堂下西堂下曰堂東堂西。

大射儀賓之弓矢止于西堂下。其將射也，賓降取弓矢于堂西。堂西即西堂下也。特牲饋食禮主婦視餧爨于西堂下。記曰：餧爨在西壁，則自西壁以東皆謂之西堂下矣。又案大射儀執幕者升自西階。注曰：羞膳者從而東由堂東升自北階立于房中，則東堂下可以達北堂也。按主婦視餧爨于西堂下亦當山北堂下達于西堂下婦人不由前也。

堂角有坫。

士冠禮注曰：坫在堂角。賈氏釋士喪禮曰：堂隅有坫，以土爲之。或謂堂隅爲坫也。坫以土爲之，即是堂隅之土，非別爲一物也。若人君

有反坫以反爵。天子有累坫以尤圭。則是別爲一物。或燒土爲之。

堂之側邊曰廉。

鄉飲酒禮設席于堂廉注曰側邊曰廉喪大記正義曰堂廉堂基南畔廉稜之上也。又案鄉射禮衆弓倚于堂西矢在其上注曰上堂西廉則堂之四周皆有廉也。

升堂兩階其東階曰阼階。

按西階亦謂之賓階見顧命

士冠禮注曰阼酢也東階所以答酢賓客也每階有東西兩廉聘禮遷鼎設于西階前陪鼎當內廉此則西階之東廉以其近堂之中故曰內廉也。按階之兩廉又謂之阨鉏里切顧命四人綦弁執戈夾兩階阨玉篇廣韻皆曰砌也砌當以石爲之張衡東京賦所謂玉階金砌是也玉與金美其名耳書注謂阨爲堂廉非也又釋宮楓遠北方謂之落時落時謂之阨此阨名同實異

士之階三等案士冠禮降三等受爵弁注曰下至地賈氏曰匠人云

天子之堂九尺賈馬以爲階九等諸侯堂宜七尺階七等大夫宜五尺階五等士宜三尺故階三等也。兩階各在楹之外而近序案鄉射禮升階者升自西階繞楹而東燕禮媵爵者二人升自西階序進東楹之西酌散交于楹北注曰楹北西楹之北則西階在西楹之西矣士冠禮冠于東序之筵而記曰冠于阼喪禮櫛置于西序而櫛弓曰周人殯于西階之上故知階近序也。

堂下至門謂之庭。三分庭一在北設碑。

聘禮注曰：宮必有碑。賈疏曰：案諸經云三揖者，鄭注皆云入門將曲揖，既曲北面揖當碑揖。若然，士昏及此聘禮是大夫士廟天子廟及庠序有碑可知。但生人寢內不見有碑，雖無文，兩君相朝燕在寢，豈不三揖乎？明亦當有碑矣。所以識日景知陰陽也。知鄭注本作引，疏曰：觀碑景邪正以知日之早晚，又觀碑景南北長短，日南至景最長，陰盛也；日北至景最短，陽盛也。二至之間，景之盈縮，陰陽進退可知，碑之材用石爲之。

朱子儀禮注云：注內引字疑當作別。今按碑取日景而引之，引字疑不誤。賈氏釋士昏禮曰：碑在堂下。三分庭一在

北。案聘禮歸饗，餼醯醢夾碑。米設于中庭。注曰：庭實固當庭中，言中庭者南北之中也。列當醯醢，南列米在醯醢南，而當庭南北之中，則三分庭一在北可見矣。聘禮注又曰：設碑近如堂深，堂深謂從堂廉北至房室之壁。三分庭一在北設碑，而碑如堂深，則庭蓋三堂之深也。又按鄉射之侯去堂三十丈，大射之侯去堂五十四丈，則庭之深可知，而其降殺之度從可推矣。

堂塗謂之陳。

郭氏曰：堂下至門徑也。

按釋宮廟中路謂之唐，堂途謂之陳。郭引詩中唐有斂，然則廟中又有中唐，其爲庭之中塗歟？斂，輶也。唐與陳皆用輶爲之，陳亦見詩不入我陳是也。

其北屬階，其南接門內，霑案凡入門之後，皆三揖至階。昏禮注曰：三揖者，至內霑將曲揖，既曲北面揖當碑揖。賈氏曰：至內霑將曲者，至門內霑，主人將東賓將西，賓主相背時也。旣曲北面者，賓主各至堂塗北行向堂時也。

至內靤而東西行。趨堂塗則堂塗接於靤矣。既至堂塗北面至階而不復有曲。則堂塗直階矣。又案聘禮。饗鼎設于西階前。陪鼎當內廉。注曰。壁堂塗也。則堂塗在階廉之內矣。鄉飲酒禮注三揖曰。將進揖當陳揖。當碑揖陳卽堂塗也。

中門屋爲門。門之中有闌。

士冠禮曰。席于門中闌西闢外。注曰。闌櫺也。玉藻正義曰。闌門之中央所豎木短也。即所謂闌非闢也。闌以短木爲之。亦可去之。士喪禮重出自道。蓋重出時去其闌也。闌之下謂之道。

釋宮曰。櫟在地者謂之臬。郭氏曰。卽門櫟也。然則闌者門中所

豎短木在地者也。按釋宮云。櫟謂之杙。在牆者謂之柂。在地者謂之臬。後別云。櫟謂之闌。則在地之臬與門櫟之闌似不同。臬與柂通。蓋若匠人置柂以縣者是也。

其東曰闌東。其西曰闌西。

按聘禮賈疏門

有兩闌者非是。

門限謂之闕。

釋宮曰。柂。丁結切。謂之闕。郭氏曰。闕門限。邢昺曰。謂門下橫木爲內外之限也。

亦謂之柂。與闔通。

其門之兩旁木則

謂之根。釋宮。根謂之柂。李巡曰。謂柂上兩旁木。根闌之閒。則謂之中門。見禮記。

闔謂之扉。

邢昺曰。闔門扉也。其東扉曰左扉。按玉藻。閏月則闔門左扉立于其中。此謂暫闔耳。非常闔左扉也。又釋宮所以止扉謂之得在門旁。又門扉有柵謂之柵。其持柵而達于北方以爲固者謂之落時。門之廣狹案士昏禮曰。納微儻皮記曰。執皮左手隨入。注曰。隨入爲門中

阨狹。賈氏曰。皮皆橫執之。門中阨狹故隨入也。匠人云。廟門容大局七箇。大局牛鼎之局長三尺七箇二丈一尺。彼天子廟門此士之廟門降殺甚小。故云阨狹也。推此則自士以上宮室之制雖同而其廣狹則異矣。按匠人又云。路門不容乘車之五個。注云。路門者。大寢之門。乘車廣六尺六寸五个三丈三尺。言不容者。是兩門乃容之。此門丈六尺五寸。又云應門二徹。參个注云。正門謂之應門也。二徹之內八尺三个二丈四尺。按此諸門之廣。皆并兩扉言之也。不言臬門庫門雉門意者。其猶應門與。匠人又云。王宮門阿之制。五雉。注云。阿棟也。雉高一丈。疏云。謂門之屋兩下爲之。其脊高五丈也。又禮器。天子諸侯臺門。謂門上起土爲臺而雉門之旁更有兩觀。謂之象魏。又謂之闕。皆作宮室爲之。以其在東西之偏。亦謂之辟也。

夾門之堂謂之塾。

釋宮曰。門側之堂謂之塾。郭氏曰。夾門堂也。門之内外其東西皆有塾。一門而塾四。其外塾南鄉。案士虞禮陳鼎門外之右。七俎在西塾之西。注曰。塾有西者。是室南鄉。又案士冠禮。擯者負東塾。注曰。東塾

門內東堂負之北面則內塾北鄉也。凡門之內兩塾之間謂之寧。案聘禮賓問卿大夫迎于外門外及廟門大夫揖入摺者請命賓入三揖並行注曰大夫揖入者省內事也既省俟于寧也。凡至門內靂爲三揖之始上言揖入下言三揖並行則俟于靂南門內兩塾間可知矣。李巡曰：宁正門內兩塾間義與鄭同謂之宁者以人君門外有正朝視朝則於此宁立故耳。

按正門內兩塾間此迎賓時暫立之處耳本不可謂之宁此宁字猶詩之著非釋宮及曲禮之宁也。釋宮之宁此宁字猶詩之著非釋宮及曲禮之宁也。釋宮必近路門蓋朝羣臣朝諸侯表著之位甚多非正門內兩塾間所能容雖大夫視私朝宁立亦必近寢門必不於外門內兩塾間也故

塾間暫立之處

周人門與堂脩廣之數不著於經案匠人云夏后氏世室堂脩二七廣四脩一堂脩謂堂

南北之深其廣則益以四分脩之一也。門堂三之二室三之一門堂通謂堂與塾其廣與脩取數於堂得其三之二室三之一者兩室與門各居一分也以夏后氏之制推之則周人之門殺於堂之數亦可得而推矣。

按門堂室既殺堂無房夾與北階之制天子諸侯釋祭謂之祊舊說祊之禮當於門外之西室然室甚狹宜賓戶於門之西堂

門之內外東方曰門東西方曰門西

特性饋食禮注曰凡鄉內以入爲左右鄉外以出爲左右士冠禮注又曰出以東爲左入以東爲右以入爲左右則門西爲左門東爲右鄉飲酒禮賓入門左燕禮卿大夫皆入門右是也以出爲左右則門

東爲左門西爲右士冠禮主人迎賓出門左西面士虞禮側亨于廟門之右是也闌東曰闌右亦自入者言之也天子諸侯門外之制其見於經者天子有屏諸侯有朝案覲禮侯氏入門右告聽事出自屏南適門西注曰天子外屏此天子廟外之屏也明堂位以疏屏爲釋宮曰屏謂之樹郭氏曰小牆當門中禮記謂之旅樹

按孔氏此說非也。凡屏皆當設於正門之中外，故記旅樹與臺門相連。天子以應門爲正門，屏在應門之外；諸侯以雉門爲正門，屏在雉門之內。若路門之外，內皆無屏，司士掌南儀路門，左右諸臣王還而揖之，是無屏也。燕禮，卿大夫皆入門右即位，未見有屏。

此以廟門外之屏例應門也。釋宮又曰：門屏之間謂之宇，謂宇在門之內、屏之外，此屏據諸侯內屏而言也。

按郭注人君視朝所寧立處邢氏曰謂路門之外屏樹之內人君視朝寧立之處此說得之然則當云寧在門之外屏之內不得云門內屏外也邢氏又云屏謂之樹樹所以蔽行道以此推之則諸侯內屏在路門之內天子外屏在路門之外而近應門則又沿曲禮疏而誤與其前說自違異使天子設屏在路門外而近應門則屏在應門內非外屏乃內屏矣總之屏之外內以正門別不以路門別諸侯路寢門外則有正朝大門外則有外朝案聘

禮夕幣于寢門外宰入告具于君君朝服出門左南鄉注曰寢門外朝也入告入路門而告賈氏曰此路門外正朝之處也是正朝在寢門外也聘禮又曰賓死介復命柩至于門外若介死惟上介造于朝注曰門外大門外也必以柩造朝達其中心又賓拜饗餼于朝注曰拜於大門外賈氏曰大門外諸侯

之外朝也。賓拜於朝。無入門之文。則諸侯外朝在大門外明也。是外朝在大門外也。按天子諸侯皆以庫門爲大門。大門外之朝惟
詢國危。詢國遷。立君及聽獄訟。則視之。非有故不視也。記云。夫士下公門。晉語云。絳之富商。韋藩木棟。而過於朝。則外朝平時。臣民皆可往來。朝士注以漢司徒府大會殿擬之。仍非其制。外朝無宮室也。三朝惟路寢有堂。餘皆平地。雉門外無朝。諸侯

三朝。其燕朝在寢。燕禮是也。正朝與外朝之制度。不見於經。蓋不可得而考也。

禮夕幣受命。略見正朝之制。平時祝朝諸臣而位當如

燕時。

寢之後。有下室。

士喪禮記。士處適寢。又曰。朔月若薦新。則不饋於下室。注曰。下室如今之內堂。正寢聽事。賈氏曰。下室燕寢也。然則士之下室。於天子諸侯。則爲小寢也。春秋傳曰。子大叔之廟在道南。其寢在道北。廟當連作之。

此因地迫狹。其寢廟之寢也。廟寢在廟之北。則下室在適寢之後。可知矣。又案喪服傳曰。有東宮。有西宮。故廟寢異處。

有南宮。有北宮。異宮而同財。內則曰。由命士以上。父子皆異宮。賈氏釋士昏禮曰。異宮者。別有宮。若不命之士。父子雖大院同居。其中亦隔別各有門戶。則下室之外。又有異宮也。大夫有側室。見內則。

自門以北皆周以牆。

聘禮釋幣于行注曰喪禮有毀宗踐行出于大門則行神之位在廟門外西方檀弓正義曰毀宗踐行毀廟西之邊牆以出柩也士喪禮爲筮于西牆下注曰西牆中庭之西特牲饋食禮主婦視饋饗于西堂下記曰饋饗在西壁注曰西壁堂之西牆下案門之西有牆則牆屬於門矣西牆在中庭之西則牆

周乎庭矣西壁在牆之下則牆周乎堂矣。按天子諸侯外爲都宮則東西牆包乎宗廟社稷及官舍之在宮內者也牆者墉壁之總名室中謂之墉

冠禮陳服于房中西墉下聘禮西夾六豆設于西墉下是也堂上謂之序室房與夾謂之墉堂下謂之

壁謂之牆其實一也隨所在而異其名爾堂下之壁闔門在焉案士冠禮冠者降適東壁見于母注曰適東壁者出闔門也時母在闔門之外婦人入廟由闔門士虞禮賓出主人送主婦亦拜賓注曰女賓也不言出不言送拜之於闔門之內闔門如今東西掖門釋宮曰宮中之門謂之闔郭氏曰謂相通小門也是正門之外又有闔門而在旁壁也。按冠者適東壁見母則闔門在東壁之北隅而西壁當無闔門宮中闔門相通或可隨便開之考工記闔門容小局參之天子廟之闔門也廣六尺

人君之堂屋爲四注大夫士則南北兩下而已。

士冠禮設洗直于東榮注曰榮屋翼也周制自卿大夫以下其室爲夏屋燕禮設洗當東靤注曰人君

爲殿屋也。案考工記殷四阿重屋注曰四阿若今之四注屋。

按自秦漢以下始稱殿古但言四阿而已重屋當有重雷明堂位所謂復廟重檐者也又禮弓池視重雷謂飾

棺之池如生時宮室之制雷所以承水而流之天子

四面有雷諸侯三雷大夫南北二雷士惟南面一雷

夏屋是南北兩

下也夏屋蓋因

夏后氏而名周制天子諸侯得爲殿屋四注卿大夫以下但爲夏屋兩下四注則南北東西皆有雷兩

下則唯南北有雷而東西有榮是以燕禮言東雷而大夫士禮則言東榮也雷者說文曰屋水流也徐

鍇曰屋檐滴處榮者說文曰屋梠之兩頭起者爲榮又曰屋齊謂之檐楚謂之梠郭璞注上林賦曰南

榮屋南檐也義與說文同然則檐之東西起者曰榮謂之榮者爲屋之榮飾謂之屋翼者言其軒張如

輦斯飛耳士喪禮升自前東榮喪大記降自西北榮

士喪禮作降

自後西榮

是屋有四榮也

士喪禮又曰設于序西南當西榮士虞禮曰設洗于西階

西南注云

門之屋雖人君亦兩下爲之燕禮之門內雷則門屋之北雷也凡屋之檐亦謂之宇案士喪禮

爲銘置于宇西階上注曰宇栱也說文曰宇屋邊也釋宮曰檐謂之滴郭氏曰屋栱邢昺曰屋檐之名

栱一名栱又名宇皆屋之四垂也宇西階上者西階之上上當宇也階之上當宇則堂廉與坫亦當宇

矣特牲饋食禮主婦祝饋饋于西堂下注曰南齊于坫其記又注曰南北直屋栱是也階上當宇故階

當露鄉射禮記聲階間縮露是也。露以東西爲從。古曰縮露。此露謂堂之南露也。此其著於經而可考者也。

禮經雖亡闕然。於覲見天子之禮。於燕射聘食見諸侯之禮。餘則見大夫士之禮。宮室之名制。不見其有異。特其廣狹降殺不可考耳。案書顧命成王崩於路寢。其陳位也有設斧扆牖間南鄉。則戶牖間也。西序東嚮。東序西嚮。則東西序也。西夾南嚮。則夾室也。東房西房。則左右房也。賓階面阼階面。則兩階前也。左塾之前。右塾之前。則門內之塾也。畢門之內。則路寢門也。兩階凡。則堂廉也。疑大夫士無東西垂之階。說見前。東堂西堂。則東西相也。東垂西垂。則東西堂之宇階上也。按鄭氏之說。因明堂位大廟天子明堂而誤。此必不然者。側階則北階也。又曰。諸侯出廟門俟。則與士喪禮殯宮曰廟合也。然則鄭氏謂天子廟及路寢如明堂制者。蓋未必然。見前。階凡說

也。明堂位與考工記所記明堂之制度者。非出于舊典。亦未敢必信也。又案書多士傳曰。天子之堂廣九雉。二十丈三分其廣。以二爲內。十八丈五分內以一爲高。三丈東房西房北堂各三雉。九丈。按堂廣九雉。東西房各三雉。則室亦當三雉。何以不言室而。公侯七雉。二丈三分廣以二爲內。十四丈五分內以一爲高。二丈東房西房北堂各一雉。三丈晉北堂與經不合。

伯子男五雉。十五丈。按周制公一等。丈三分廣以二爲內。十五分內以一爲高。二丈東房西房北堂各一雉。三丈士三雉。九丈三分廣以二爲內。六丈五分內以一爲高。一丈二尺有室無房堂。與經不合且大夫與士亦宜有異注曰。廣榮間相去也。雉長三丈。內堂東西序之內也。高穹高也。此傳說房堂及室與經亦不合。然必有所據。姑存之以備參攷。

朱子殿屋廈屋說附錄

殿屋五間。前皆爲堂。後爲房室。中間之前爲兩楹間。後爲室。東間之前爲東楹之東。又少東爲阼階。上少北爲東序。後爲東房。西間之前爲西楹之西。又少西爲賓階。上少北爲西序。後爲西房。序卽牆也。本註設位在東西序者負牆而立也。其南爲序端。東序之東西序之西爲夾。本註亦謂之廂。又說文云。廂、廊也。廊、東西序也。此亦可。但疑序字下脫一外字。其前爲東西堂。其後爲東西夾室。按兩夾本名夾也。以其屋首之亦可曰夾室。但非謂堂後之室。夾外之廉爲側階房。後爲北階。本註此其地之盤也。按西房之後當無北階。說見前。其棟則中三間爲一棟。橫指東西至兩序之上而盡。按兩序上當有栱牕之梁。指前後楣梁上起侏儒柱以承棟。棟不加於序上也。遂自此處分爲四棟。邪指四隅。上接

橫棟下與露齊。本註此其上棟之制所謂四阿也。

各連所向而下。四面棟桷覆堂廉出階外者謂之廡。本註此其下

廬屋。按廬屋本謂夏后氏之屋。後人加厂作廬俗字也。則前五間後兩間。本註無西房。堂中三間之後只分爲兩周屋也。說見後。

其屋盡水下處謂之露。本註此其下

皆爲橫棟。棟之前後皆爲兩下之宇。橫棟盡外有版下垂謂之搏風。按搏風之版所以掩東西當實著之非懸而下也似不得言下垂。

其餘並如殿屋之制。但五間東房西室。按此舊說也。辨見前。

下亦爲兩廡接連南北以覆側階。按大夫士宜無側階說見前。但其廡亦不出搏風之外耳。本註儀禮疏云卿大夫爲

殿屋四阿連下爲廡四面之檐其水皆多故其檐皆得以露爲名。廬屋南北兩下之廡與殿屋同故其檐亦謂之露。東西兩廡則但爲腰檐不連棟下又不出搏風之外雖或有水亦不能多故但爲之榮謂之翼而不得以露名也。本註榮翼乃接檐之名疏乃直指搏風誤矣。按四阿之屋其檐之四角恐亦當竦起其如聲斯飛之勢與榮無異但因東西有檐故以暫別之非謂四隅之檐皆類下也此又當知之。

按古人宮室之制門旁有塾自塾至堂無屋以連之倘雨沾服失容不得成禮矣。堂下兩旁之屋今人謂之廡正說文所謂堂下周屋者也。周以前經傳子史未見有廡字蓋後人始作廡乃有此字庭有廡可避雨此後世制度勝前人處若堂上東西檐下似不得名廡也。



兩宮建鼎記

賀仲軾錄

本館據學海類編
本排印初編各叢
書僅有此本

兩宮鼎建記序

自古公忠爲國之臣。不有其身曷論名。鄉愿不顧護名甚周乎。然使鄉愿爲國人情止期乎諧合。巧使吾身成忠信廉潔之名。而不顧國家受破冒屑越之害。又奚賴焉。吾於年友賀養敬所類錄其尊公鳳山先生。瑞名盛爲繕郎時。諸所經畫。讀之而重有感也。詳味其語意。若重惜人臣本爲國竭忠盡瘁。一意圖節省。而更得糜費貪婪之名。以不職論去。是非命耶。余曰。人臣患不爲國竭忠盡瘁。一意圖節省耳。使誠有此志。糜費貪婪之名。不職論去。已蚤自知有此何也。朝廷建大工。莫大於乾清坤甯兩宮。所費金錢。有原例可援。乃先生獨省九十萬。夫此九十萬。何以省也。是力爭之中。瑞垂涎之餘。同事染指之際者也。割中瑞之羶。而形同事之涅。不善調停人情。而諧合物論。莫甚于此。乃先生竟不暇計。直孤行一意而赤矢。此心者爲主。幹國之忠重。而徇私營祿之念輕也。夫如是。身自可以圖利圖名。圖美官而故不屑爲。而又何言命耶。卽命之權誠重。然當其時。孤行一意。赤矢此心。雖使命撓我以利。以名以美官。先生亦當與命抗而不受矣。故吾謂忠臣爲國不言名。忠臣爲國不言命。嗚呼。爲國如鳳山賀先生者可也。

萬歷戊午夏五月家晚生邱兆麟題

夫士所貴於持身則在植節矣臣所貴于致主則在盡力矣節植之謂志士力盡之謂能臣人或有言持身致主之際患心不能自滿耳心苟卽安豈憂不知哉嗟乎是殆未深知士之有命也夫士豈直以升沈晉命哉嘗觀古稱豪傑豈皆絕異而不可幾及或亦猶是人也乃且有鉛刀冒莫邪之鋒康瓠係周鼎之品矣則以事之所任者重而時之所履者順于是乎幸居其成者有之若夫忠知之人苟不得用于天下國家之大事而徒以猥瑣羈豪傑之身將峻節孤忠亦直瓦礫視之耳幾見能于尋常中具豪傑之品題哉故曰有命也先公筮仕起曹日惟土木是司夫土木亦臣職也司空之官古鴈鳩氏之任第以郎署効奔走則簿書期會非有關於朝廷之輕重縱云竭忠盡知迨程功課績直一土木而已矣雖然苟官修其職土木何不可盡瘁惟是財欲節而目之以費守實介而歸之以貪于是始知任事有甚難者先公之于土木其大者乃在兩宮而先公之顛躓亦以是役計先公于兩宮之費直七十萬有奇而冒不白之疑以鉅萬夫于金穴中守介節恆人不信而以七十萬竣兩宮恆人尤不信乃七十萬確有可稽而先公獨加以不贊之名何也廉于國而貪于身論人者豈真有別術度人哉勞則亡矣節亦晦焉是先公之命也夫先公以一官謝知遇亦何憾何求獨念士人起家遇主亦欲尺寸自樹先公半生砥礪半生辛苦竟埋沒于土木中是可傷也假令以先公之才知用以當古豪傑之所難則綜理經營何必非盤錯之試狐鼠瓜李何必非是非之叢履危機而塞漏卮何必非利害之會以其所備嘗試諸所難措豈遂不足以効一割無如其竟如斯也用力與古人同收効與古人異所處之勢然矣是以曰有命也謫守一郡又渺乎小矣

嘔心傾膽于廟堂之上。祇結怨而不見知。況欲從千百郡縣中顯循良之貞哉。或曰。國家設立起部二百年。未有以難告。且隨事可以樹奇。何必不起部。蓋公自難也。是非利害皆公之所自鵠也。且往例有徵。不可循乎。嗚呼。例將焉循而可。前乎例。則爲三殿增官增賦。是一例也。兩宮之役。先公不能援也。後乎例。則爲兩宮創造者。以七十萬竣工。而受成者。以百十萬尾。後是又一例也。然則例將焉循而可。先公不善循例。因不善樹奇。徒以省易怨。置身于是非利害中。卒受其黜閹。是先公之拙也已。悲夫。傷哉。先公已矣。壯年精力。盡用以供萋菲。二十餘年之通籍。僅完土木一事。而不克善其後。是以重悲先公之不遇也。非謂起部誤先公。謂先公竟以起部誤。不得以其可用之才力。馳騁于古豪傑之會。磊磊落落。方軌前人。乃亦拮据亦擔當。亦執守。竟亦沈落。人亦孰知土木之中。果有峻節孤忠之士哉。是以歸咎于命也。蓋所感在升沈之外也。用是土木之事。輯成一帙。就中苦心。猶有諱而不敢盡言。遺而不及盡識者。存其槩可也。萬歷歲次丙辰仲秋之吉。不孝男仲軾泣血書。

兩宮鼎建記卷上

明賀仲軾養敬錄

萬歷二十四年鼎建乾清坤甯兩宮。公以繕司郎中身當其任事體重大工費浩繁創建之始千條萬緒措手爲難乃將本部堂司儲貯歷年大小工程題議疏稟盡數檢閱時當五月末旬炎蒸如火舊卷爲塵漬土灰盈頭昧目殊所不堪然不得其詳不敢止也然卷多殘缺心如火熾復向工科署科事給事中楊公應文將本科貯本部一應疏稟自嘉靖三十六年修三殿起至本年春季止日給五冊閱訖再換就中凡係建修盡數手錄五百餘紙令書辦抄真共六冊四百餘葉除小小關係并可裁酌者不開外。

一、查得三殿川湖貴採木事例總理則欽差侍郎劉公伯躍副都御史李公憲卿分理則添註郎中盧公孝達等二員副使張公佑等二員鼎建兩宮公題採楠杉等木止責成撫按一官不遣。

一、三殿該吏部給事中劉贊題各省直丁地內歲加四派銀一百萬兩特差御史林騰蛟唐自化等員催徵鼎建兩宮公止取給事例銀兩尙有贏餘分銀不忍加派百姓。

一、三殿採浙直鷹架平頭等木欽差郎中吳道直李方至蘇州燒金磚欽差郎中戴憲鼎建兩宮公具題

以銀二萬兩發江南而鷹平至。以銀二萬兩發蘇州而金磚至。以銀二萬兩發徐州而花斑石至。未嘗添註一官。

一、三殿大石窩採石欽差侍郎黃光昇總理而分理又差二主事理刑又差一主事鼎建兩宮公具題止差主事郭知易官不勞而石至。

一、三殿中道階級大石長三丈闊一丈厚五尺派順天等八府民夫二萬造旱船拽運派同知迪判縣佐貳督率之每里掘一井以澆旱船資渴飲計二十八日到京官民之費總計銀十一萬兩有奇鼎建兩宮大石御史劉景晨亦有僉用五城人夫之議公用主事郭知易議造十六輪大車用驛一千八百頭拽運計二十二日到京計費銀七千兩而縮。

一、三殿拽運木石車驛盡派順天等八府鼎建兩宮公具題造官車一百輛召募殷實戶領車拽運計日計驛給值其官造車價每輛原銀一百兩題準每年扣其運價二十兩以五年爲率官銀固在一民不擾。

一、三殿夫匠取之河南山東山西等處鼎建兩宮公俱給見錢召募。

一、三殿金磚顏料派之雲南南京廣東鼎建兩宮公俱召商買辦。

一、琉璃磚瓦等項共燒一百七十萬而縮計兩宮片瓦不少止用九十七萬有奇計剩七十餘萬。兩宮自萬曆二十四年七月初十日開工起至二十六年七月十五日計乾清宮坤甯宮交泰殿暖殿、

披房、斜廊、乾清、日精、月華、景和、隆福等門圍廊房一百一十間，并帶造神霄殿、東裕庫、芳玉軒、望櫈二百四十座。板箱二千四百箇，通共用銀七十二萬有奇。內鑄錢用銀十二萬兩，積出銀四萬兩，實用庫銀六十八萬兩有奇。

一、每銀一兩鑄錢六百九十文。市上每錢四百五十文換銀一兩，給與夫匠工食，則以五百五十文作銀一兩。每銀一兩收利一百四十文。然當時止給夫匠令小委官按名給散鋪車灰窯，一概不給。蓋夫匠雖日散十萬錢，然人止得三二十文，散之概給。若鋪車灰窯，動領數十萬錢，積之一處，蓋錢散之則貴，壅之則賤。此必然之勢。其後錢七百文乃值銀一兩，或亦概給之過也。

一、二火黃銅用二十一萬斤，該價銀二萬二千兩。商人沈應元等稟稱買銅卽賠數千兩不惜。然銅數如此，一時豈能驟辦？乞寬假容往南京收買。公謂工程急如星火，兩都往返淹遲，時日豈能有待？查得丁字庫銅積如山，中貴者主之，乃命商人持一帖求之中貴云云。然費不過二百金，勿論二萬二千兩之帑金不出，而事亦咄嗟辦矣。

一、公二十六年七月二十三日陞湖廣參議命下節慎庫貯營繕司銀，除借與屯田司十二萬兩、都水司九萬兩、廣衡司三萬兩外，見在銀九十三萬兩有奇，親手付之繼任者，令其接續積存，以爲殿門工程之用。蓋以兩宮就緒之費，斷不加于創始別工煩多之費，斷不加于兩宮。按兩宮之迹而行之一二年，則三門之工，綽有餘用。不謂公去未幾，而庫藏若掃。由斯以觀，公之謫也，不亦宜乎？

戶兵二部應協濟銀各三十萬兩未用

一、兩宮初興鑽刺請托蟻聚蜂屯公一概峻絕外至于見之牘奏如四川差內官採木則有百戶李綸改臨清窯于武清通州內官監督則有指揮林朝棟百戶張文學採五臺山沿邊樹木則有西河王公俱具稟呈堂題覆仰藉聖明一切報罷惟有徽州府木商王天俊等千人廣挾金錢依托勢要鑽求劄付買木十六萬根勿論夾帶私木不知幾千萬根卽此十六萬根木逃稅三萬二千餘根虧國庫五六萬兩公深鑑前弊極力杜絕夫俊等極力鑽求內倚東廠外倚政府先捏駱金源妄奏奉旨工部知道幸工科給事中徐公觀瀾抄參公得呈堂立案不行前商復令吳雲卿出名再奏而買木之特旨下矣于時奸商人意得氣揚謂爲必得之物可要挾而取之傍觀者明知其不可亦莫能爲公計部堂亦竊笑曰不看賀郎中執到底耶公乃呼徽商數十人跪于庭謂之曰爾自謂能難我耶我如不能制爾爾則笑我矣今買木旣奉特旨我何敢違然須有五事明載劄付中今明告爾勿謂我作暗事也一不許指稱皇木希免各關之稅蓋買木官給平價卽是交易自應行抽分各主事木到照常抽分一不許指稱皇木騷擾官民船隻如違照常賠補一不許指稱皇木攬越過閘一木到張家灣部官同科道逐根丈明具題給價見今不給預支于是各商失色僉曰必如此則劄付直一幅空紙領之何用公曰爾欲劄我但知奉旨給劄耳劄中事爾安得禁我不行開載各商知公不可奪又懼此事一行後日路絕遂皆不願領劄向東廠倒贓矣于是東廠大怒遣緝役緝公事于原籍中而不悅者從傍煽禍必欲置公於危地此時公禍在不測未幾東廠死政府免公私慶若微天俾然而竟不免矣

兩宮鼎建記卷中

鼎建兩宮除事可徑行并難形紙筆與瑣瑣小事不載外其□□條陳奉有明旨者略具于左。

一、議徵逋員查催各省直拖欠本部四司科

一、議協濟查得嘉靖三十八年興舉大工戶兵二部各協濟三十萬兩其贓罰并內外文武缺官俸薪契稅商稅等錢合無咨行戶兵二部并各省直撫按嚴查確數酌量解用南京庫銀亦查見在若干咨數

前來以備不敷取用後工興止取足事例銀兩

一、議開事例查得預建壽宮曾開事例今大工肇舉仍宜廣開除州縣佐貳首領係親民官遵例不許加納外其應納某某等項咨行吏禮兵三查部例開款具題通行各省直撫按出示曉諭告納至于民間巨室比照舊例進銀五百兩者給與官帶一千兩者遙授七品京銜有司俱堅坊禮待仍免雜差。

一、議鑄錢照得銀一錢鑄錢六十九文給散各役止照時估大約五十五文爲率每銀一兩剩錢一百四十文則發銀萬兩可積銀二千五百餘兩矣畱宜付行虞衡司寶源局鼓鑄本司按季酌量發銀如錢貴則行賤則止務俾官民兩利。

一、查庫料等項照得雜料勢所必用合無通行兩京甲字等庫明開數目某項若干足備大工應用則已。如果不足預行處辦以防臨期急用不敷。

一、議分工照得工程重大差官衆多若必合爲一工則意見參差彼此掣肘吏書浸潤致起紛爭殊于大工有礙合無將應修處所均勻搭配司官與內監提督各二員分管一工明示賞罰工堅費省完工最早者受上賞則彼此相形人思自效。

一、議楠木照得南杉大木產在川、貴、湖、廣等處差官採辦非四五年不得到京工興在卽用木爲急其南京等處或有大木咨行火急查報見貯灣廠神木廠者勅內官監提督會同部官將見在木植計算數目先盡乾清宮坤甯宮次配殿宮門均勻搭配務俾足用其斗稍裝修等項只以頑頭標皮并截下半段等木湊用不許混開于大木之內以圖侵冒然各廠大木不多一時取用殆盡後一不繼何以區處合無查照先年土官進木加級事例通行川、貴、湖、廣等處撫按諭令各宣慰等官探木恭進照例加級賞賚其土夷巨商力能採賣者彼處撫按卽以本部料銀并贓罰等銀從厚給值但不許輕擾邊民以生事端。

一、議采石照得合用石料萬倍別工舊差多官總理衆手操觚彼此掣肘吏書唆構爲奸弊孔莫可究詰合無專責管山主事量撥小委官以供役使但部臣位卑權輕有司玩視文移多束高閣似宜假以勦之權其通輶道路採木造置畢船并合行事宜有司抗違誤事者參奏重處。

一、議車戶照得工程重大，合用木石，不知其幾，乃在官車戶僅僅九家，即竭產破家，置買車驛，亦不敷用。合無通行順天等府州縣，并在京富民廣行召募，查照先年題准事例，官給車驛，其裝載木石工食銀兩計工計日算給。如該管人役侵漁致逃者，從重治罪。其八輪四輪車，應置幾十輛，驛約用若干頭，通行管車官呈堂處置。

一、議蘇州磚。查得蘇州方磚，在廠見貯者一萬餘箇，似不敷用。合無預行彼處撫按選委廉幹府佐一員，管理務要堅瑩透熟，廣狹中度，其應用料值，夫匠工食裝運船價，并于贓罰料銀等項處辦，具文申部，以憑查考。但不許分毫加派小民，如解到方磚，閒有色紅泥粗，不中舊式，該管理以侵漁重究。

一、議買杉木。照得鷹平條棗等木，大工必用。見今各廠缺乏，查得通惠河道抽稅循環簿內，見有商人販到鷹平等木四千餘根，條棗等木四萬餘根。合行差官照估驗買，第抽稅例圍圓在五尺以上，買木例圍圓在一尺以上，卽行文管河抽分，郎中確查抽過鷹平條棗數目，并長圍丈尺，火速呈部，隨卽差官照估驗買，如買到杉木，見工收時，長圍不及買數，該買官以贓論。如木商以用木緊急，多索價值，卽爲停買一面行浙直採買一面將通濟船橈段，并在京商民原有買下橈段杉木，嚴禁民間不許買用，盡數告報，兩平照估給價，以濟急用。

一、議發見錢。照得人之趨利，如蟻赴殼，兩宮並建，用夫用匠，不知其幾，若不給散見錢，卽嚴行勦提而逃亡者比比也。合無行令見工官將賣源局所鑄制錢，預算明白，用匠若干，用夫若干，用繖麻小串責令

小委官每名一串抵晚唱名給散。如錢短少中攬低假等錢。許夫匠卽時口稟。卽將小委官重處。若侵冒數多。見工官奏請罷黜。

一、議稽查夫匠。照得夫匠衆多。該管員役最易冒破。以五作十。并庸匠稚病殘疾人夫。希圖搪塞。合行定立規式。某匠作某料尺寸若干。卽註匠名料。上。前一日分派。當日申刻驗收。某人夫某項用若干。俱預先分派。當日抵晚驗工。如有名無人。有人無工。夫匠扣除工食。軍人不與日糧。仍行送回。如干礙內外官員奏請究問。

一、議明職掌。照得監督者。總理之任。而巡視者。糾察之權也。職掌攸司。各有深意。若監督徇私冒破。巡視者止宜據實而糾劾之。倘兼監督之任。未免一柄兩持。事體必多掣肘。合無申明各守乃職。收受錢糧之際。監督官與內官監提督將錢糧逐項驗收。巡視科道監察之。果有冒破以小作大。以輕抵重。以濫惡抵美好等弊。點記于冊。錢糧收完。卽時聲說某項有弊。隨時察究。果有入己之贓。參究罷黜。但不得吹毛洗垢。以隳任事之心。

一、議加鋪戶。查得工程重大。物料繁多。本司鋪戶僅四名。豈能勝此重役。合咨都察院轉行五城御史。嚴選真正殷實富民四名。加添應役。如該城兵馬賣富報貧。并受賄以積棍混報。及將鄉官舉監生員呈報。希圖搪塞者。當工悞事。參奏重治第利之所在。人競趨之。強之以不堪。卽義士規避矣。乞將應買物料。見工官酌量多寡。量給價銀。令其承買。買到物料。驗收之後。實收五日。到部科道掛號。次日本司給

與庫帖遲給十日不發實收庫帖以需索從重論其分派物料新舊均勻徇情輕重者完罪。

一、議會估照得見今大木缺乏庫藏匱詘所用物料錢糧大費處分猶不敷用則估計之時不得不比常尤加詳慎合無仍照近例本部堂上官并科道會同內監將應用物料逐一估計量較的確數目題定不得日後加添致滋冒破。

一、議兵馬并小委官賢否照得五城兵馬并小委官于工供事必不可少第賢否混淆曷以勸激合無分別賢否年終造冊類送吏部除不肖之極即行咨革外其餘員役通候工完以定功罪。

一、議木楂查得嘉靖三十八年八月內題准木楂運琉璃黑窯兩廠抵作木柴今用木數多木楂廣積合無仍照前例。

一、議匿名誣揭照得廉幹之官上不畏強禦下不徇私情利干公必不利于私積年吏書嫉不便已塞其利孔懷恨中傷或寫匿名帖或暗投匿名揭指夷爲跖勢所必至若官關貳卑污彼吏書且歡同貓鼠豈肯暗害除官果有真實贓私參奏罷黜但係匿名揭帖不可據以參奏仍責該城兵馬務在得獲重究。

一、議派採楠杉大木照得神木廠存貯之木無論見用不敷將來別有興作亦當預備是採買所不容一日緩者除見存楠木先行辦外合即行採買查得舊例採木俱差本部堂上官一員督理第川貴湖廣地方隔越兼制之則移文往返動經歲月分任之則意見不同每多掣肘合無即以本省撫按兼採

木之任司道官員聽其差委買運錢糧任其區畫嚴督各省藩臬諸臣多方招募採取應用銀一面動支本部料銀并贓罰商稅契稅缺官俸薪等項木價運價必須一一出自公帑毋得派累小民如各省地方官但能招徠土官進獻或能令土夷巨商採辦者卽抵原派定數起運其宣勞諸臣遇應陞年資不妨奏請加級以責成通候木完以優敍

一、議柏木查得內官監開註柏木一百二十根各長五丈至二丈徑三尺至二尺已經具題召買看得柏木長圍甚大一時召買不敷不無悞用合無將神木廠見貯柏木行內監酌量作造雖圍不合原估不妨折足尺寸抵用一委曲之間可省銀數千百兩矣

一、議砍柴照得兩窯用柴九千七百餘萬斤約銀一十四萬六千餘兩乃今財用匱乏區畫最難查得先年修復殿堂題準砍伐南海子樹株抵用合無仍照前議咨行兵部卽將題準官軍一萬名內除量撥大石窩二千名該部差委都把等官督押八千名赴海子聽該管內監先將不材稠密枯倒等樹刮皮號記照號砍伐遠近酌量每軍日限三十斤至廠每一月管廠主事會同科道驗收計至明年二月終木將發生之時停止候秋再伐其軍如有別項急用不妨臨期酌撥則所省柴銀不知幾萬兩矣

一、議稽造楠木照得楠木巨材稍一失用不可復得合無置簿三本用印鈐記一發神木廠逐日開註某日某車戶裝過某號大楠木長圍根數各若干二本發山臺兩廠監督官開註某日收過車戶某等運動某號大楠木長圍根數各若干下註某日用匠若干截作某料長圍若干其有木大過式一寸以上

者俱令鋸解下聽用不許斲砍卽半段頑頭亦記數收貯備用仍開款註銷俱年月一次報部小委官五日一次報司

一、議置官車。車戶劉祿等告行據主事郭知易呈。議置四輪官車一百輛。原題準每輛給銀一百兩。不敷置買。先要預支腳價銀一百兩。湊買車驂。工程次第扣除腳價車銀限五年外。照十六年題準事例查行。又議八輪改轍大車。除西華門見在三輛外。再造十七輛。每輛照估給銀五十兩不足。臨時再置。又議八輛大車所運大石。比照西華門題準事例。計驂計日給價上卸用軍無軍用夫。又議禁勢豪以用車緊急勒索高價。并禁附近京府州縣車牙。凡係腳車盡數報官兩平雇運木石。不許私雇。違者拏究。

一、議車戶裝卸。據劉祿等告行。據主事張宗孔呈。議看得短運裝卸腳價于萬歷二十三年酌量加增。題奉欽依似不必別議。但兩宮所需木植圍圓之大者。委非尋常可比。上車卸車。未免多用人力。若不稍爲寬處。誠恐拽運延遲。臨期悞事。合無自圍六尺以上者分爲三等。量加上卸人夫工價六尺至九尺爲一等。每根加銀一兩二錢五分。此外如更有圍大者。照例遞加。其圍未滿六尺者。上卸裝運俱照舊規給價。

一、議呈樣瓦。據主事趙文煒呈。議看得燒造澆色磚瓦等料。必須設法稽查始得如式。合行該廠每樣定燒如式。琉璃等料二片塊箇進呈御覽。一留御前。一發監收官爲式。以後收料若質有厚薄色或鮮暗。卽不準收。仍給示曉諭各匠一體遵守。毋得臨期違悞。再照琉璃黑窯工程重大。非軍不可集事。舊規

俱見工撥用多寡有無不一似宜題定數目未燒則供作已燒則搬運誠爲妄便查得舊例錦衣衛撥軍一千名合無照舊取用內撥七百名赴琉璃窯三百名赴黑窯應用

一、議庫銅鑄錢準巡視庫藏刑科給事中楊士鴻浙江道監察御史何爾健手本開丁字庫貯有四火黃銅四十八萬斤堪以鑄錢等因隨會虞衡司郎中何湛之議得大工繁鉅經費不貲今議取庫中之銅鑄錢爲流通之費移彼濟此誠爲良策

一、議夫軍照得大石料大者折方八九十丈次者亦不下四五十丈翻交出塘上車非萬人不可合無咨行兵部將大石窩除見在一千八百名外再添六千二百名馬牽山除見在七百名外再添三百名應用但冬至後班軍回衛營軍住操比時天寒地凍正宜趁時發運合無一面行管山主事多方雇夫一面咨該部從長議處務令軍心悅趨常川應役

一、議給匠車開運工價照得請給預支原爲接濟令不悞事第今每發預支一次必待科道會收石料畢方出給實收對同銷算至銷算後方敢再請給仍候掛號下庫秤發耽延動經月餘遲緩悞事合無比照壽宮事例將大石窩開運銀兩先發五萬兩總寄涿州馬牽山開運銀一萬兩總寄房山縣各收貯一應給發俱聽管山主事酌定數目具呈督催物料本部右侍郎處批允該管主事方行各該州縣正官照批準銀數徑給車戶石匠取具領狀造冊呈部如州縣官剋減銀數事發從重參究前銀將完該管官再行請發接濟一新舊車戶劉祿張揚祿等私車官車并見雇腳車總計止二□□今議再行

添雇搭掛一二百輛方可濟用。□□車戶車驛自置及官車止居三分之一。雇覓者居三分之二。若非立法聯屬。□□難免遲延退避。合無將各戶拽運大車。查開自車若干。官車若干。某雇車若干。係某州縣人經紀。某管押某總寫一牌。每車戶各給一面。仍先將牌內車數花名造冊呈部。及督催物料本部右侍郎呂案候。有一推故違悞者。輕則責究。重則參送。庶車輛不至悞事。

一、議大石運價。照得會估自二十二丈以下。計日計驛。已經題準外。但二十二丈以上至八九十丈者。此等大石。先年大朝門工所取用。比時俱係外府州縣。提取車輛驛頭協運。乃一時衆擎易舉。事易就集。今本工大石。自二十二丈以上至八九十丈者甚多。提派車役。既恐累民。召募車戶。豈堪虧累。相應酌議。合無將四五六七八九丈等石。行令管車官仰運。計日計驛給值。其車輛折損。驛頭倒傷。仍照前議量行賠補。庶大料易於就集。各戶亦無虧累。

一、議車輛。照得拽運木石新舊車戶。除官車自車之外。仍令其多方雇募幫運。多而且急。乃奸猾經紀。遂通同有車之家。指勒高擡價值。深爲可恨。及查舊時雇車。每車一輛。雇用一箇月。止價三十六兩。今工程重大。量爲加添。定以三十八兩爲則。一應附近雇車經紀。盡數籍名在官。遵照題準事理。雇募車輛。經紀不許。仍前通同有車之家。勒擡價值。車戶亦不許因而短少。違者各治以罪。

一、議修墊道路。照得大石窩子街中道等石。有一塊而重至十五六萬斤者。有十餘萬斤者。開運一塊。費銀千餘。道路窪陷不平。損車壞石。勢所必至。合無行令順天撫按督責該地方司道州縣官多方設處。

務期修整如法堅闊平坦以便車行如或虛應故事致損車石除州縣正官分別參處巡捕官拏究外仍責令該州縣賠補原石庶人心知警不致悞事

兩宮鼎建記卷下

大工及各工附錄

兩宮梁棟長九丈圍一丈三四尺見貯楠木中繩墨者百無一二公苦之偶見故楊司馬家乘載楠木幫品事甚悉公質之于內□□公洪陽且言楠木盡壞于造船若採非五六年不可恐材亦□□□全張言不可曰此事孰敢任之公乃具呈備述于堂請題部堂如公議疏上卽報可公初計期月可完蓋以朝廷之力一人千日千人直一日耳豈意二十四年七月初十日開工十月具題堅柱至二十五年五月方得旨是月卽具題上梁至九月方得旨

廣積局積抽煤幾百十萬斤堆大如山而生木成樹矣公曰奈何以有用而爲無用也琉璃黑窯缺柴何不以此抵之呈□□□焉

夫匠日用幾千萬名公每項止用一頭打卯出名具領雖坐食而亦事體之必不可少者然鑽求紛至堂強公增數公曰各夫匠分工收功給錢自有主者頭何用而令其靡費堂奮然具題五十五名用一頭人謂之欽差匠頭不但歲費萬金各工亦譁然多事矣

兩宮匠役多甚冒破不免題準論功不論匠小委官給與見錢按功給散部官時稽查之無功者仍重懲

雖小委官不能無弊較給匠頭散者取効多矣。

兩宮開工公命止用夫百名是日同科道管工者同至工所報五百名公曰工興才始不遵令者誰也詢之者乃內監公大怒實收止出百名。

告事例者通狀到日卽給帖銀完次日卽給咨事無留宿吏難著指赴如雲集得銀百萬兩惟在速之一字。

覆川湖貴減楠木尺寸疏照得楠木宮殿所需每根動費千萬兩不中繩墨採將安用卽頭號不可必得亦不得遠下二三號云云詞若嚴而寬之意多矣按撫不悟猶曉曉也。

有中官在工作桌椅等料藏于柴簍擡出者公廉知之見佯若不知然但曰恐有夾帶左右一搜之中官懼甚亟止曰無無公笑曰工上之事自今悉令我知不然公性命之憂在今日中官曰唯唯自是奉令惟謹事無悞者。

兩宮初開工之日一人持書請托公曰予事未一行敢來阻耶重懲之擲書不視雖飲恨于人而後來之門以杜矣。

兵戶二部原題協濟銀各三十萬兩宮工完所積銀猶足門工之費協濟通未用也西河王疏開鑛與採木并奏抄發戶部者月餘未覆忽一日申時文書房口傳西河王疏工部如何久不覆立等著回將話來堂官狼狽到部切責公公曰堂上不發抄何據而覆查工料無此疏蹤跡久之方得之戶部戶堂出

部幸余公在署索其手具咨橐堂因言戶部悞事疏上必罪本部。公曰易耳。首敍某月日準戶部咨云云。咨到日卽具覆。日覆疏曰照得兩宮鼎建。事關宸居。卽一棖一角。純用香楠杉木。尤不足以盡臣等崇奉之意。沿邊不過油松雜木。上無所用。相應停採。此事關邊防。西河特借大工爲名耳。爾時事在必行。公恐激未幾晉撫魏見泉公參疏亦至。語甚厲。先是百月仲春首倡開鑄之事。亦借大工爲名。疏未上。先投揭于公。公厲叱之。春懼。遂不敢求下。工部自是言開鑄者紛紛。無敢一字求下。本部者。

此事關邊防。西河特借大工爲名耳。爾時事在必行。公恐激而成之。故從容具覆。但言其無所用而不與之爭。事遂獲寢。

慈甯宮石礎二十餘公令連入工所內監諱然言舊。公曰石安得言舊。一鑿便新。有事我自當不爾累也。楚參藩之命將行而尙未代管。琉璃窯內監劉成從容言爲燒色淺。打點費幾萬金。而蓮缸、貓盆之類。日索不休。乞給三千金。公不可。且曰柴土價原自倍。打點費一二萬只餘耳。成曰安見倍。公曰燒數雖不可稽。而運價有數。查得原燒料一百七十餘萬。用不足百萬。兩宮完矣。餘何往。成語塞而去。公復丁甯繼任者切勿予。不謂持之不堅。遂給七萬庫欲不空得乎。

一日奉旨下部買金六千兩。鋪戶苦之。且言戶部有編定金行。公曰戶部安肯代工部買金。各戶極言一時難辦必誤賠不借也。公思戶應協大工銀三十萬。而兩宮已完。庫貯銀尙有一百二十餘萬。無需協濟。遂收工商買金之票。而掌橐者力稟不可。公叱之出。衆莫解。衡司楊毓菴司徒木菴公胞弟也。公夜過之。謂曰戶協工三十萬金。欲具題何如。毓菴入言。出告曰余兄極苦此事。且欲求少減。公曰戶果不足。如肯代上買金六千。則前銀可不協濟。毓菴復入言。木菴亟許。公歸具題。稟明日早進部。呼寫本者。

上之掌橐者曰戶定無肯替工買金之理公第曰試題之疏上報可戶無難色公去部後復有買金之事仍如公行之戶部而戶部怒裂其劄掌橐者竟不知所以也

二十年四月公受工部屯田司主事差管通積局廣積局局各設抽分大使一員攢典一名巡軍十五名其官俸軍糧歲支一百三十餘石每年抽分解部銀多七八十兩少五六十兩卽官俸軍糧取償不足病商病民不預焉公欲具題裁革呈橐署部事左堂敬宇沈公曰勿輕議遂止及查初年稅入歲不下千金該局所轄窯座自京師及通州昌平良涿等處稅歲磚瓦近百萬萬後工部招商買辦而局無片瓦矣公旣任其事稍一稽查卽如木商王資一項漏銀一百零九兩他可知矣嗣查窯稅而中貴王明作梗公謂中貴不可制而販戶可制卽出示通衢嚴諭巡軍軍民人等敢有買販王明磚瓦者以漏稅論官吏軍餘賣放者許諸色人訐告卽以漏出磚瓦充賞王明窯三十餘座月餘片瓦不售哀求報稅矣諸勢要聞風輸稅卽一季所收逾二十餘萬一歲所積除勳戚祭葬取用外設局積無隙地各衙門小修胥取給焉

本年九月蒙部題差委同內官監僉書王國甯監丞小火者等四十餘員修景泰皇陵鋪戶耿應禎買辦銀七千九百兩有奇節省銀三千兩灰戶沈應元灰價四千五百兩節省一千五百兩并雜料等項共節省銀七千兩有奇該前任巡視廠庫工科給事中今大司寇張公問達題薦奉旨紀錄
二十一年冬題同內官監太監何江等四十餘員修理獻陵錢糧物料價幾四萬兩公親詣本陵偏地踏

看卽萬金已屬浪費歸與巡視廠庫工料給事中黎公道昭議該本科題奉旨差工科給事中桂公有根御史時公偕行同公覆估減銀一萬三千兩有奇賑河南飢比工完仍省黑窯等項銀三千有奇白城磚斧辦磚十萬有奇

獻陵山溝兩岸舊用磚砌山水暴發磚不能禦也年修年圮徒耗金錢而無益實用公欲用石中官不利蓋用磚利其冒破故也公乃呼工上作官謂之曰此溝岸何以得長久對曰須用黑城磚而灌之以灰漿公曰黑城磚多甚內官何不拆二三萬用作官對以畏而不敢公曰第言之我不查也作官如命告之內監中官疑不解公意然利動其心遂拆二萬久不言一日同至溝岸盡處謂中官曰此處舊用黑城磚中官曰是公曰山水暴發磚不能禦砌之何益不如用石中官曰陵山之石誰人敢動公笑曰溝內浮石非欲去之以疏流水者乎中官既中其餌不敢復言于是每日五鼓點卯夫匠各帶三十斤一石不數日而成山矣蓋原估磚二十萬只此一處費過不五萬餘俱留之朝廷矣□墳頂石重萬餘斤石工稟稱非五百人不能秤起合筭公謂用不逾時而京至工五十餘里如取夫于京則以片時而令人往返百里給價難爲私乃于近村壯丁借片時人給錢三文費不過錢千餘而石工完矣

二十二年九月內部題委建永甯長公主墳舊規公主駙馬墳價一萬四千兩特恩加一萬兩共二萬四千兩其銀一萬四千兩駙馬家領修墳祠一萬兩司禮監等內衙門公用并無差部官修建者緣駙馬

梁邦瑞父以白米千石請托本部堂怒甚遂題委公建造止題銀一萬四千兩其內監銀一萬題裁矣于是大失垂涎者之欲怨謗併作蜚語沸騰就中幾有不可脫之禍時都察掌院袁洪溪公公師也爲公危甚大理卿饑山沈公陞本部左侍常序掌部印有勸其候公主葬畢到任免于波及沈雖不用其言然一時舟外之懼蓋人人危之矣于時公亦微倅竣事無他仍荷聖母賞表裏一銀二十兩成金井并席殿五十餘間計費僅三百三十兩有奇殯之日工上例搭席殿羣房等約三百間公令擇地之隙者搭蓋作官謂去墳遠恐于內使不便況此席木內使臨行俱拆去何必用心公令以楸棍橫穿于杉本纏眼下埋之席用麻繩連合在工之人無不笑公之作無益也殯迄果如作官言然木不能起席既連合卽以刀斷繩取之不易遂止事畢公呼夫匠頭謂曰山中風雨暴至無屋可避除大殿拆外餘小房留與夫匠作宿食所何如衆僉曰便公又曰每一席官價一分五釐今止作七釐抵工價拆棚日席聽爾等將去斷麻作麻刀木作回料何如衆僉曰便

修築昌長公主府第先是估計已有成議計銀七萬兩有奇時公新任適戶部尙書楊兵部尙書石本部尙書李司禮監太監張誠奉旨偕科道暨公閱視公通前徹後逐一驗殿宇寢室圍廊殿門座等俱因舊房未有加一樣一牆者止易瓦并墁飾油漆等工公細計之卽五千金已屬多餘乃費帑金至七萬乎內監猶欲添銀日夕聒擾公分毫不加時同事主事韓范修內花園內監王勳需索無已管工者苦

之言于公。公曰：第委之我，勲計無所之。以黑字揭帖送部堂批查給公置不應。勲大怒，倡言公看工定碎公衣冠而作官等。又甚其言以相恐，且言看工須多集從人。公胥叱之。看工之日，事畢直入其室坐其牀，責其無狀。且謂之曰：內監與工部表裏，即不如意再須後來予首，司敢得罪我爾？不欲再管工耶。勲唯唯，公拂衣去。

都城重城根角下爲雨水衝激，歲久成坑。囓將及城，名曰浪窩。監督員外受部堂旨議，運吳家村黃土填築。本村去京城二十里而遙，共估銀一萬一千兩有奇。蒙堂批查題發司公一見不覺吐舌，隨即具說。堂一帖內開議得浪窩蝕及城腳，及時築填，誠爲急務。但取城壕之土以填塞，則浪窩得土而築之，固城壕去土而濬之深，銀省功倍。計無便于此者。若以填坑而費萬金，恐不可使聞于人也。云云。部堂怒形于色。曰：城壕土蘇，雖築易敗，成大事不計小費，仍取吳家村土。如某員外議，公固執不可。部堂怒改委主事張宗孔、羅尙賓親詣城壕驗土，覆估該二主事驗畢回呈，俱如公議。部堂大怒，將呈塗抹發司。曠激怒原議者與公拋命。幸主事杜允繼以親故懇勸稍解。後聞科道欲參論，某始悟爲部堂所悞，向公具儀服罪。比完工，正費九百兩有奇。

神宮監修造例用板瓦，然官瓦惡，乃每片值價一分四釐。民瓦每片價纔三釐。而白晳，然諸閹陰耗食于官窯者久矣。民瓦莫利也。及公督其事，乃躬至監，謂諸閹曰：監修幾年矣，老成者應曰三十年。公曰：三十餘年而滲漏若此，乃瓦薄惡之故也。諸閹曰：然。公乃陰飭官民瓦各運一千，記以字而參聚之。于是

邀監工本陵掌印與合陵中官至瓦所公謂曰瓦惟衆擇可者僉曰白者佳取驗之民瓦也公曰民瓦既賤且佳何苦專用官窯監工者曰此祖宗制用官窯誰敢用民窯公曰祖宗制用官窯爲官窯勝也豈謂冒破錢糧不堪至此余正欲具疏借監官爲證耳遂去監工者隨至寓下氣謂公曰此端一開官窯無用且得罪請如舊公不可監工復再三祈用官民各半復不可監工者知不可奪乃曰惟公命第幸勿泄于他監工者于是用民瓦二十萬省帑金二千餘矣

王資販檜樹千餘株不報稅且出飛語公親至其地驗之該稅銀若干卽其地知會東城御史及廠庫科道比回路而當路求免帖紛至公曰已報各衙門矣奈何蓋此輩皆負大力故急處之以絕其謀

金剛牆實土而在工夫止二十餘名二人一筐非三五日不可公下令曰多擾土一筐加錢二文以朱木屑爲記各夫飛走不終日而完

凡木商運到木植部例會估給價乃弊端最甚如一二三爲一號後復以三四五爲二號連手到底歷年以來漏帑金不知幾千百萬具題改正

錦衣衛題修補鹵簿計費萬金公嫌其濫監工內臣持毀壞者胥送司公閱之謂曰此諸弁畏公精明作此伎倆以實題疏中語耳不然駕閣庫未聞火而銅帶胡由而焦舊且腐胡直斷如切某如公言詰諸弁且言欲參諸弁跪泣求免工完無敢譁用不足千金鹵簿煥然矣

兩宮鼎建告成。勞臣功罪未著。謹據事直陳。以昭公道。以垂信史事。職聞非常之事。惟非常人爲之。常人之所駭而忌焉者也。職固非凡人也。而鼎建兩宮。不可不謂非常之事。夫非常之事。常人不能爲。而爲之者。終不免。卽如東事甫完。當事者無一人脫網矣。職爲皇上完北上門。完西華門。今完兩宮。自謂亦有微勞。且私心謂讞獄者。尙有議功之條。秉心者咸具是非之直。職以六年六月之俸陞一參議。僅與循資挨俸者一例。自分可以免矣。不謂假借計典。譏搆橫加。職不足惜。萬一有非常之事。鑑職之轍。誰敢再爲。皇上鞠躬盡瘁而爲之。此職終不能無言也。謹據實略陳其概。惟我皇上憐而垂聽焉。二十五年內。該監工疏有云。大工之費可鉅百萬。而石價居其半。夫鉅百萬則一千萬也。居其半則五百萬矣。乃自萬曆二十四年七月初十日開工起。至二十六年七月十五日。兩宮蓋瓦通完。金磚顏料買辦就緒止。職經手發過銀兩。除浙直徐州解銀六萬兩。神霄殿東裕庫若玉軒板箱監櫃約費銀四萬兩。曹天祐木價萬兩。實計兩宮支費。僅六十三萬有奇。不及鉅百萬十分之一。且鑄錢積出銀四萬有奇。尚在六十三萬數內。職完大工。袁多益寡。月費不過二萬五千兩耳。職又查嘉靖三十六年修復殿堂例。四川湖貴採木。則侍郎劉伯躍、潘鑑、左副都御史李憲卿、郎中李國珍、李祐、副使張正和、盧孝達等。大石窩採石。則侍郎張舜臣、主事李鍵。浙直採木。則郎中李方。至吳道直。因而參罷知府宿應麟。調御史金燕。蘇州燒磚。則郎中載惲。天下催徵錢糧。則御史林騰蛟、唐自化等四員。概省直丁地歲加派銀一百萬兩。則戶科給事中劉贊題。

準車駢夫匠派提北直隸山東河南則歐陽必進題準卽今監工者亦曾謂職調五城人夫拽石職俱條陳一切罷免一官不遣一民不擾自謂頗有培扶根本之圖百戶李綸奏差內官川湖採木西河王奏五臺山採木指揮林朝棟張文學各奏改臨清窯于武清縣通州差官監燒木商吳雲卿駱金源各瀆奏買鷹杉等木十六萬根約該價銀三十萬兩卽科臣劉道亨疏云若非該司之固執則十數萬帑金歸之烏有矣職俱調停陳奏仰荷皇上俯納自謂頗有曲突徙薪之計職萬歷二十一年同少監僉書王國甯修景皇帝陵卽如鋪戶耿應禎原估銀一萬二千餘兩部減銀四千餘兩止留工銀七千九百餘兩比完職省銀三千餘兩灰斤沈玉等原估灰價七千餘兩部減銀二千五百餘兩留工銀四千五百餘兩職省銀一千五百餘兩并磚石等通共省銀七千餘兩該巡視廠庫給事中張問達薦職奉旨紀錄二十二年職同太監何江修獻陵原估銀八萬餘兩部減銀四萬餘兩該職復議工科給事中黎復題給事中桂御史時同職覆估再減銀一萬兩有奇比至工完職仍省銀三千餘兩大工所費七十餘萬俱職親手開納事例銀九十三萬兩內支給其助工銀俱管庫科道固封候旨不但一毫不取之民抑且一毫不取之庫自謂頗有生財節用之勞此俱工科有本工部廠庫節慎庫有冊昭彰萬人耳目者舍此不諒而信誣蟹譚暮夜卽萬古無夷齊何有于職也況職七年郎官故居不能蔽風雨吏部主事吳兵部員外田丁酉陝西主試回到職家至京對職嘆息且如參職用張經等爲心腹矣不知所騙者何人之錢所壞者何等之事職不用自營利而令其各專利恐非人情書辦王化等委官胡觀坤係職二十二兩年終

理景泰皇帝陵獻陵屯田司印信手本開送供事員役在景泰陵職節省七千餘金獻陵職節省一萬三千餘金可以徵各役之無能爲矣夫頭張經灰戶沈玉沈祥等十八戶自壽宮開工直至今日四司通用止此一夫頭十八灰戶銀錢出入亦係各監工科道并本部冊籍可問而查也後因大工職去任堂官始題添灰戶八名二十五年因內工給散見錢而後投充夫頭者日衆二役用之不自職始胡爲投賄計日計驛職用主事郭□議至良法也今且罪職矣此法若廢三殿工興召募無人勢必復提民車使畿輔之民驚然震動然後知職之識遠而所全者大也實收對同數之多寡俱由監督監工誰人受賄劉祿等見在可問也至于使功使過不過借以對計日計驛耳不然職大工所用委官不下三四十員胡不指摘一人而捉去任四年餘且屯田司開送之胡覲坤耶吏部去官有冊可查也鷹條杉木舊會估不知造自何官中間藏號過關由來不知費帑藏幾千百萬兩職因買曹天佑木閱舊會估數過始看出不覺大駭隨卽改正呈堂批會工科給事中徐□楊□郭□御史蔣□議僉謂職議爲妥登簿印鈐將來不知省帑金幾千百萬兩卽如郎中彭主事曾照舊會估磨算曹天佑木價三萬五千餘兩內照職改正新估覆算減冒濫銀四千餘兩原冊見在工部廠庫可查裁其冒濫四千兩復索其例至三千兩卽三尺童子不信也鋪戶方乾係工科給事中楊□親手塗抹職與三司郎中同在曾開一言否楊□素秉直道見在可問也大工鋪戶李號因少席一領監工責三十板監督責二十板一拶李號泣曰一席值價止三分五釐又係自己賠買已打五十板一拶每戶將來錢糧不下萬餘兩全家齎粉矣因而棄家逃走職懼各鋪戶生

心解體。行兵馬指揮楊嘉慶嚴摶。二箇月方獲其叔李祿。倚恃老病。通政司四遞通狀。職悉束之高閣。通政司有號簿。工部有原狀。李號見今係名在司。孰迫之逃而謂職放之也。營繕司有冊有官。并本人見在。可查而問也。趙元係虞衡司鋪戶。與職風馬牛之不相及。卽面貌職亦不識。有何事于職嫌而置之死。工部廠庫有冊可查也。至于窯戶孫世祥。職衙門并無姓名。且大工又不用窯戶之磚。不知因何事扣其價四百兩也。不謂青天白日之下。而有此無蹤無影之誣也。然參職一事。雖若甚微。實邪正消長之大機括。恩讐報復之大關鍵。所係計典甚重。伏乞勅下吏部都察院。將職行過事蹟本冊。與見在員役。通提到官。逐一研審。如職所陳有一字之欺。所參有半字之實。并查職自作主事至郎中。曾壞朝廷一件事。要工部一文錢。卽將職重治。以爲臣不忠不廉欺君者之戒。如係借黜幽之大典。爲酬恨之奇策。乞勅吏部開送史館。俾秉董狐之筆者。直書曰。職賀盛瑞被參某人陷之也。職死且不朽矣。